


浙江採集遺書總錄




別集

| | | | | |
|---|---|---|---|---|
| | | | 五 | 漢 |
| | | 一 | 二 | 書 |
| | | 〇 | 〇 | 門 |
| 〇 | 五 | 〇 | 〇 | |
| 冊 | 架 | 函 | 號 | 類 |

| | | | |
|------|---|---|---|
| 內閣文庫 | | | |
| 五 | 二 | 〇 | 漢 |
| 〇 | 〇 | 〇 | 書 |
| 〇 | 〇 | 〇 | |
| 函 | 冊 | 號 | 類 |

| | | |
|------|-----------|------|
| 內閣文庫 | | |
| 番號 | 漢 | 5210 |
| 冊數 | 10 (10) | |
| 函號 | 297 | 73 |

癸



浙江採集遺書總錄

淺草文庫

癸集上

別集類五 明

誠意伯文集二十卷 刊本

右明御史中丞青田劉基撰首郁離子次覆瓿集
次犁眉公集次寫倩集次春秋明經合爲一編而
以行狀碑文冠于首

鳳池吟稿八卷 刊本

右明右丞相高郵汪廣洋撰宋景濂曰右丞以絕
人之資博極羣籍作爲詩章從征伐則震蕩超越

在廊廟則莊雅尊嚴其集以鳳池爲名則太祖所賜也

陶學士集二十卷 刊本

右明翰林學士當塗陶安撰俞右吉云安謀畧文章孝陵推爲第一詩亦拔俗

朱楓林集十卷 刊本

右明翰林學士休寧朱升撰升本元人明初被徵授官自幼力學至老不倦尤邃經學

西隱集四卷 刊本

右明祭酒滑縣宋訥撰未有附錄一卷李時遠云

宋公師道尊嚴爲一代典型詩文渾健古雅同游諸儒皆推之

宋文憲公文集三十卷 刊本

右明學士浦江宋濂撰黃宗羲曰歐蕪而後得其正統者虞伯生宋景濂而已景濂無意爲文隨地湧出波瀾自然浩渺其在元時之文雖多奇崛而痕迹未銷入明之文方是大成云

宋景濂先生未刻集一冊 刊本

右前人撰 國朝康熙初裔孫旣庭所刻其實亦有間見潛溪前後二集者

王忠文公集二十五卷 刊本

右明侍制義烏王禕撰忠文著有華川玉堂二集此本則張維樞重選者凡本集二十四卷附一卷

翠屏集四卷 刊本

右明侍講學士古田張以寧撰以寧三使安南道卒前有劉三吾宋濂陳南賓三序

坦坦齋文集二卷 刊本

右明學士茶陵劉三吾撰坦坦齋原作坦齋以三吾初名如孫字坦甫也著有瑤署春坊北園化鶴正氣等集桐江俞蓋知茶陵始合之今本卷首標

題乃知茶陵州事韓城賈緣輯梓

恒軒詩集七卷 寫本

右明山陰韓經撰宋魏公之裔也南渡時遷越有楊士奇序

玉笥集八卷紀行一卷 寫本

右明新淦鄧伯言撰洪武乙卯何倬序

槎翁詩集八卷 刊本

右明國子司業泰和劉崧撰劉仲修云子高日課一詩多至千餘篇著有職方詩九卷洪武九年門人蕭翀編刻又一刻十二卷萬歷丁酉刻卷袞皆

與今本不同

胡仲子集二卷 刊本

右明教授金華胡翰撰此集又名日信安集別有門人劉綱所編集十卷未見

庸菴詩集十卷 寫本

右明徵士餘姚宋禧撰禧字无逸洪武初徵修元史自高麗傳以下皆出其手云

白石山房稿五卷 刊本

右明按察副使浦江張丁撰字孟兼著有西臺慟哭記

清江集三十卷 刊本

右明助教崇德貝瓊撰字廷琚從楊廉夫學詩黃梨洲稱其多一唱三嘆之致

石門集二卷 刊本

右明徵士新喻梁寅撰寅元末時嘗辟為儒官明初被徵寅年已六十餘入禮局纂修書成辭還居

石門山下 刊本

林登州集二十三卷 刊本
右明登州知府龍溪林唐臣撰元末進士後更名弼明初徵修元史嘗使安南能却重贖其集一名

梅雪齋稿

滄螺集十卷

刊本

右明司業江陰孫作撰作自號東家子宋景濂為
作東家子傳稱其詩絕去元季之習好盤硬語蓋
欲力追涪翁者

趙考古集二卷

寫本

右明瓊山教諭餘姚趙搗謙撰洪武時徵修正韻
歸築考古臺述聲音文字通一書今著于錄其所
作詩一名考古餘事不傳是編其遺稿耳末附造
化經綸圖

靜居集四卷

刊本

右明太常司丞潯陽張羽撰張企翱云明初以高
楊張徐比唐四傑不惟文才之似其末路亦不相
遠眉菴盈川令終如一太史之斃同乎賓王北郭
雖不溺海僅全首領而非首邱司丞自投龍江又
與照隣無異羽自號靜居因名其集

北郭集六卷

刊本

右明河南左布政使吳郡徐賁撰舊傳北郭集是
吳人張習編汪汝淳跋云吳中四傑集萬歷間高
安陳邦瞻曾合刻于浙此本其一也

西庵集九卷

刊本

右明翰林典籍南海孫蕢撰蕢與黃佐黃哲李德趙介結社南園稱南園五先生

鳴盛集四卷

刊本

右明禮部員外郎福清林鴻撰與陳亮高棟周元黃元鄭定王恭王偁王褒同時稱閩中十子鴻爲巨擘閩人言詩率本于鴻所著鳴盛集一名膳部稿劉子高序

嘯臺集二十卷

刊本

右明翰林典籍長樂高棟撰嘗選唐詩品彙極其

精博其詩篇盛傳海內又工書畫時稱三絕別有木天清氣集乃棟爲翰林待詔時所作論者議其應酬冗長不如嘯臺集擬唐之作音節可觀也

三畏齋集四卷

晉江黃氏藏寫本

右明按察使僉事崑山朱吉撰有崇正間裔孫集

芳集璜二跋

白雲樵唱詩二卷

寫本

右明翰林典籍閩縣王恭撰恭隱七岩山自號背山樵者著有白雲樵唱鳳臺清嘯草澤狂歌三種此其一也

韓山人詩集四卷 刊本

右明吳縣韓奕撰元末人入明與王賓皆隱于醫
吳中高士以二人為首姚善守吳時訪之不見

王光庵集四冊 寫本

右明長洲王賓撰其詩越來溪一首盛傳于世又
附錄一卷

愛禮先生集十卷 黃氏藏刊本

右明左都御史龍溪劉駟撰講學宗陳北溪關佛
甚嚴目佛為泥斲題天善寺詩云若無僧寺塔直
是一唐虞集為宏治六年林雍所序

甘白先生集六卷 寫本

右明工部郎中長洲張適撰按靜志居詩話稱有
樂圃江館南湖江行滇池等集燬于火其孫枕得
十之二三合為甘白先生集

凌柘軒集五卷 寫本

右明成都教授錢塘凌雲翰撰柘軒其號也學于
陳眾仲故其詩華而不靡馳騁而不離乎軌

秣坡先生集八卷 刊本

右明徵士新會黎貞撰貞為孫仲行門人自號陶
陶生黃佐為傳區越序

遜志齋集二十四卷 刊本

右明文學博士寧海方孝孺撰永樂初嚴禁其文門人王稔藏之此本刻于萬歷四年後有外紀二卷黃宗羲云正學不欲以文人自命然其經術之文固文之至者也書得子瞻之神髓叙事亦登史遷之堂惟序記多有庸筆雜之疑門人掇拾之誤

金川玉屑集二冊 刊本

右明御史大夫新淦練子寧撰永樂時亦禁其詩文至正德中始出集有二本一刻于萬歷丁酉一刻于國朝康熙癸卯今祇本集二卷遺事一卷

卽康熙間刻者

巽隱齋集四卷 刊本

右明僉都御史崇德程本立撰靜志居詩話云建文諸臣文莫過方希直詩莫過陳原道其詩大都刻意學杜者

貞白齋集十卷 刊本

右明遼府左長史績溪程通撰附顯忠錄二卷靖難時從遼王泛海歸京師陳禦備策諸臣言封事多指斥者械死于獄顯忠錄特詳其事

自怡集一卷 寫本

右明布政使參政青田劉璉撰璉爲誠意伯劉基
長子

易齋稿二冊 刊本

右明谷王左府長史青田劉璟撰基次子洪武時
帝命璟襲父爵璟讓于璉子薦乃設闔門使處之
會稽懷古詩一卷 刊本

右明侍讀山陰唐之淳撰之淳別有萍居稿今未
見

野古集三卷 刊本

右明崑山龔詡撰詡以戍守金州門靖難後隨歸

賣藥授徒二十餘年巡撫周忱薦不起

繼志齋集十二卷 寫本

右明國子博士義烏王紳撰紳一作縉按明史王
禕傳子名紳字仲縉受業宋濂往雲南求父遺骸
不獲卽死所致祭述滇南慟哭記後薦爲國子博
士與方孝孺友善則此本因紳字而悞有永樂元
年侍講鄒緝序

逃虛子集十卷 寫本

右明少師長洲姚廣孝撰其初爲僧名道衍後官
雖尊不蓄髮終其身高啟稱其詩險易並陳濃淡

迭顯

春雨齋集十卷 刊本

右明廣西叅議吉水解縉撰縉才名烜赫傾動海內俗儒小夫諧語謔詞皆為藉口其集存者多出後人掇拾真膺叅半

東里文集二十五卷 刊本

右明大學士泰和楊士奇撰黃梨洲評其文平遠縈回之致多而波瀾澎湃之觀少然自景濂希直之後不得以正統歸之

楊文敏公集二十五卷 刊本

右明大學士建安楊榮撰榮久居館閣朝廷高文典冊皆出其手所著詩有雲山小稿靜軒近思等集其文集曰兩京類稿三十卷此本三十五卷蓋後人重定者

夏忠靖公集六卷附遺稿二冊 刊本

右明太子少傅湘陰夏元吉撰原集有楊溥序今本乃國朝康熙間重刻

冢宰文集一冊 寫本

右明吏部尚書富平張統撰統事建文永樂朝後自經死詳見明史

黃介庵集六卷省愆集二卷 刊本

右明戶部尚書永嘉黃淮撰有介庵歸田省愆等集省愆集者成祖北征時留輔太孫漢庶人中以蜚語繫詔獄十年遂以名集

友石山房稿五卷 刊本

右明中書舍人無錫王紱撰紱字孟端善畫為倪元鎮後一人人品亦未多遜

沂庵集十卷 刊本

右明左贊善泰和梁潛撰楊東里稱其詩高處逼晉宋

柳莊詩集一冊 刊本

右明太常寺丞鄞縣袁珙撰按明史方技傳珙為元翰林袁彥章之子得相法于別古厓識文皇于潛邸遂遷寺秩歌詩入格不失菊村家數

義門鄭氏道山集六卷 刊本

右明檢討浦江鄭棠撰棠永樂時人與弟栢俱受業宋濂之門以文詞知名棠尤善馳騁永樂初與纂修大典除翰林院典籍陞檢討以疾辭歸著道山集二十卷今作六卷恐非足本

鳳鳴後集六卷 刊本

右明蜀府左長史浦江鄭楷撰棠弟有前集今不見

高節庵集八卷 刊本

右明宗人府經歷錢塘高得颺撰號節庵爲處士一元之子嘗充永樂大典副總裁

夢草堂詩集十二卷 刊本

右明歙縣胡鎮撰鎮客錢塘悅西湖之勝因家焉蓋賢而隱于商者焉三才序云

歲寒集二卷 刊本

右明兵部尚書番陽孫瑀撰字原貞以字行附錄

一卷

西墅集十卷 刊本

右明禮部左侍郎永豐曾棨撰楊東里稱其詩迅筆千言不費思索而理致文采皆到雖沉思者有所不及別有巢睫集四卷

西礪先生文集十六卷 刊本

右明舉人吉水熊直撰其子概編定楊士奇金幼孜曾棨各有序概官都察院右都御史

東墅詩集六卷 寫本

右明左庶子吉水周述撰永樂中曾命賦午門觀

燈詩為時所稱

古廉文集十二卷 刊本

右明祭酒安福李懋撰一名時勉論者謂忠文古
之遺直詩亦能品

王抑齋集十三卷 刊本

右明太子太師泰和王直撰直在翰林三十餘年
詩與王英齊名

質庵文集二冊 刊本

右明禮部侍郎會稽章敞撰敞兩使南交却金不
受以清德聞

南齋稿十卷 刊本

右明禮部尚書蕭山魏驥撰驥仕宦歷四十年官
階二品年近百齡其文極雅醇詩亦蘊藉

東行百詠集句十卷附年譜一卷 刊本

右明大學士泰和陳循撰循為詩不事規摹饒有
清剛之氣別有芳洲集今逸

河汾詩集八卷 刊本

右明大學士河津薛瑄撰文清讀書錄一以宋儒
為師集中五言醇雅綽有陶孟韋柳之風論者謂
宋之晦庵明之敬軒皆不墮古人理趣其集為孫

璠編定

于肅愍公集八卷 刊本

右明少保贈太傅錢塘于謙撰少保在成化時原諡肅愍後改忠肅所著詩文一名節庵存稿

樂府遺音五卷 刊本

右明周府長史錢塘瞿佑撰幼為楊廉夫所賞風情麗逸樂府歌詞為時傳誦

蘭庭集一冊 寫本

右明姑蘓謝縉撰縉字孔昭畫入能品董尚書稱為勝國名流其詩集曾刊于永樂中汝南周傳浚

儀張肯為之序

澹軒集八卷 刊本

右明侍講學士贈禮部尚書臨朐馬愉撰

二麓正議三卷 刊本

右書上卷為明正統時無垓學諭湯光烈疏稿中下二卷係其子韶所著野史辨誣并各體詩文光烈號西麓韶號小麓故稱二麓

武功徐先生集十冊 刊本

右明大學士吳縣徐有貞撰有貞志在經世詩文取通達不屑雕章餘句封武功伯因以名集

松江府志卷之十一
松岡集十一卷 刊本

右明修撰樂安姜洪撰按明史有姜洪傳廣德人由知縣起家擢御史仕終山西巡撫並未官修撰疑別一人俟再考

姚文敏公集八卷 刊本

右明太子少保桐廬姚夔撰夔久領容臺修明禮樂先賢祀典聞必舉行所著一名藪蠹堆稿

商文毅公集六卷 刊本

右明大學士淳安商輅撰李德恢稱其詩但寫性情雍容雅淡有陶韋風其集本名素庵集

商文毅公疏稿一冊 寫本

右前人撰其孫汝頤所輯輅文集凡數十卷兩燬于火此卷獨存

沈蘭軒集十卷 刊本

右明郎中武康沈彬撰

葉文莊集四十卷 刊本

右明吏部右侍郎崑山葉盛撰盛初官兵科給事有西垣奏草出官山西叅政協贊軍務有邊奏存稿巡撫兩廣有兩廣奏草巡撫宣府有上谷奏草崇正時鄭以偉合而序之別有詩文集曰涇東小

稿菴竹堂稿

卞郎中詩集七卷 刊本

右明戶部郎中江陰卞榮撰景泰間榮詩名甚盛
居郎署二十年乞詩者常擁塞戶限成化間夏時
正等序刻

運甓漫稿七卷 刊本

右明河南叅政廬陵李禎撰禎正統時人

類博稿五卷 刊本

右明興化知府溧縣岳正撰集爲其婿李賓之所
刊別本有作十卷者

古直先生文集十六卷 刊本

右明大學士壽光劉珣撰古直珣號也集爲李東
陽序

王端毅公奏議十五卷 刊本

右明尚書三原王恕撰恕忠亮勁節于奏議可想
見其梗概云

平橋稿十八卷 刊本

右明進士崑山鄭文康撰論者謂其文簡質處類
石守道尹師魯一流詩亦蘊藉

王文肅公集十二卷 刊本

右明南京吏部尚書武進王僊撰李時遠稱其詩
清雅間出悲壯之音李東陽作傳李獻吉選定一
名思軒稿都穆跋

清風亭稿八卷

刊本

右明吏部尚書鄱陽董軒撰別有枕肱集

王太傅集二卷

千頃堂書
日作四卷

刊本

右明太傅濬縣王越撰一名雲山老嬾集越字威
寧靜志居詩話云威寧功紀旂常盟申帶礪立功
已足不朽而于詩長篇奔放如快馬不受羈絆

覺非集十卷

刊本

右明左副都御史東莞羅亨信撰亨信于土木之
變固守宣府也先挾上皇至城南傳命啟門亨信
登城語曰奉命守城不敢善啟先後守禦勞績甚
著邱瓊山序其集

馬端肅公奏議十四卷

刊本

右明吏部尚書鈞州馬文升撰

徐文靖公謙齋集四卷

刊本

右明大學士宜興徐浦撰朱懋忠稱其詩清潤和
平足以鳴國家之盛

文肅公文集三十四卷

刊本

右明刑部尚書廣昌何喬新撰一名椒邱集

倪文毅公集二十四卷 刊本

右明吏部尚書上元倪岳撰岳事天順朝陳請百餘事軍國弊政剔抉無遺疏出人多傳錄之一名

青溪漫稿

閔莊懿公集八卷 千頃堂書目十卷 刊本

右明刑部尚書烏程閔珪撰珪為法官最久會情比律歸于仁恕劉瑾用事乞休歸集為珪四世孫

一 所刊

方洲集四十卷 刊本

右明汀州知府海寧張寧撰寧知汀州歸築草堂于海澨名曰方洲居三十年詩歌畫筆與雲東逸史齊稱

瓊臺類藁七十卷 刊本

右明大學士瓊山邱濬撰

草窓集二卷 刊本

右明太醫院吏目長洲劉溥撰景泰稱詩豪者十才子而劉溥湯允勳為之首姚綬序其集

張東白集二十四卷 刊本

右明吏部左侍郎南昌張元禎撰

東園文集十三卷詩集續編八卷 刊本

右明南京戶部尚書仙遊鄭紀撰

滄洲集十卷 刊本

右明修撰太倉張泰撰泰與陸欽陸容齊名號婁東三鳳集為李東陽謝方石吳匏菴選定東陽為之序

康齋文集十二卷 刊本

右明徵士崇仁吳與弼撰天順初徵拜左春坊左諭德辭不就

布衣存稿九卷 刊本

右明漳州陳真晟撰真晟初應舉恥為有司防察棄之篤志聖賢之學天順初赴闕上程朱正學纂要歸閩後自號漳南布衣

敬齋集三卷 刊本

右明餘干胡居仁撰吳與弼講學崇仁居仁往與之游以主忠信求放心為先務故以敬名其齋

玩畫齋雜著編八卷 刊本

右明學博嘉興姚翌撰所著詩文一名桂岩集

思元集十六卷 刊本

右明柳州通判常熟桑悅撰悅自號思元居士負

氣自高書遍目輒焚棄曰已在吾目中矣在京師見高麗使臣市本朝兩都賦無有以爲耻遂賦之俞憲稱其理學詞章皆足凌厲一世云

文氏五家詩集十二卷 刊本

右明涑水教諭長洲文洪涑水集二卷洪孫翰林院待詔徵明詩二卷徵明長子博士彭博士集二卷次子和州學正嘉和州集一卷孫上林錄事肇社詩五卷

文温州集十二卷 刊本

右明温州知府長洲文林撰林徵明父也按文氏

一門祖孫父子五世皆以詩文書畫篆刻擅名海內徵明尤負盛名

一峯集十卷 刊本

右明修撰永豐羅倫撰倫以論南陽奪情事謫廣東市舶副提舉名還復職黃宗羲曰其文剛毅之氣形于筆端芒寒色正

莊定山集十卷 刊本

右明南京吏部郎中江浦莊景撰景居定山三十年巡撫王恕餽金十五鎰爲其葺廬却之不受與陳白沙羅一峯善詩歌尤類白沙黃宗羲曰定山

之詩汰其道學腐語其在有意無意之間者是則
詩之至也

楓山文集八卷 刊本

右明南京禮部尚書蘭溪章懋撰黃宗羲云懋不
以文士自居而其文綽有風致

張東海詩集四卷文集五卷 刊本

右明南安知府華亭張弼撰弼幼善文工草書號
東海居士張東海之名流播外裔李東陽王廷相
序四世孫以誠跋

醫間先生集九卷 刊本

右明戶科給事中廣寧賀欽撰欽以戎籍隸遼之
義州衛養疾隱醫間山下

東華文集十三卷附錄一卷 刊本

右明布政使上虞陸淵之撰

太和堂集六卷 刊本

右明太子太保平湖屠勳撰勳屢任部曹手不釋
卷辭章之名播于中外

關中奏議全集十八卷 刊本

右明大學士巴陵楊一清撰係一清巡撫陝時著
其詩有石淙稿行世

歸田稿八卷

刊本

右明大學士餘姚謝遷撰遷歸田後專事吟咏有冲淡閒雅之致其稿爲手自定者

馬東田漫稿六卷

刊本

右明左都御史故城馬中錫撰中錫七歲能詩其體格早類許渾晚入劉長卿陸龜蒙之間

東洲初稿十四卷

刊本

右明太常寺正卿南城夏良勝撰良勝少爲學使公孫清所知日子異日必爲良臣當無有勝子者遂名良勝正德朝諫南巡杖謫歸世宗朝爲張璁

等所擠復杖謫卒于戍所

楊文忠公三錄六冊

刊本

右明大學士新都楊廷和撰三錄者題奏前後錄二卷視草餘錄二卷辭謝錄四卷廷和皆自序之

鬱洲遺稿九卷

刊本

右明大學士順德梁儲撰儲受業陳獻章武宗朝多建白迎立世宗時儲年已老猶奮力任之

見素集七卷西征集一冊

俱刊本

右明刑部尚書莆田林俊撰俊字見素西征集者正德時俊撫四川時作三山林瀚爲序楊應寧云

見素詩宗子美晚乃入黃山谷陳無已之間

巽川集十六卷 刊本

右明江西布政使東莞祁順撰順號巽川居士嘗
因註悞謫守石阡有循吏聲

耻菴集十一卷 刊本

右明浙江叅政閩縣陳煒撰耻菴其自號也有附
錄一卷

西軒效唐集十二卷 刊本

右明雲南布政使仁和丁養浩撰西軒養浩號也
劉丙序

半江集十六卷 刊本

右明按察使吳江趙寬撰寬世居吳江之雪灘里
因名半江本集十五卷附錄一卷

靜軒集十三卷 刊本

右明貴州巡撫泰和陳宜撰自號靜軒
桐山詩集九卷附錄一卷續編附錄一卷 刊本

右明兵部侍郎攸縣王偉撰偉自號桐樹山人故
名其集成化壬辰襄城李敏序

容春堂前集二十卷後集十四卷續集十八卷別集

九卷 刊本

右明南京禮部尚書無錫邵寶撰寶初為戶部郎受業李東陽東陽以衣鉢期之後李何之燄大張而寶獨守其師法確然不變取程子日格一物之義名日格子學者稱二泉先生

莊渠遺書十六卷 刊本

右明太常卿崑山魏校撰其先本李姓居蘓州葑門之莊渠因以為號私淑胡居仁主敬之學

蔡虛齋文集五卷 刊本

右明祭酒晉江蔡清撰清學深于易其用功初主靜後主虛故以虛名齋林俊序

陳紫峯集五冊附錄一冊 刊本

右明江西提學副使晉江陳琛撰琛學與虛齋合明史儒林附虛齋傳後

儲文懿公集十五卷 刊本

右明吏部侍郎泰州儲懔撰懔別號柴墟一名柴墟集邵寶嘗語顧璘曰立身當以柴墟為法

南峯逸稿二十二卷 刊本

右明主事吳縣楊循吉撰遼小史一卷金小史一卷齊中拙咏一卷廬陽客記一卷吳郡志畧六卷烟窓末藝一卷攢眉集一卷都下贈僧詩一卷菊

花百咏一卷黃宗羲稱其文疎爽簡潔濯去陳腐
之言是一能手

虛齋遺集十卷 刊本

右明陝西提學副使海寧祝萃撰

費文憲公集七卷 刊本

右明大學士鉛山費宏撰一名鵝湖稿康陵時以

守正拒寧庶人

費文通公集五卷 刊本

右明禮部尚書鉛山費宗撰宗與兄宏等一門並
列禁近時人榮之

熊嶧先生集四卷 刊本

右明大學士藁城石瑤撰一名恒陽集曲周令皇

甫訪刪定

翰林王介塘文畧一卷 刊本

右明編修鄞縣王相撰相尚志節事親孝仕僅四
年而卒

玉坡奏議五卷 刊本

右明給事中三原張原撰原自號玉坡居士汰冗
食慎工作禁貢獻諸疏每切中正德時弊政

湘臯集二十二卷 刊本

右明大學士全州蔣冕撰當正德之季冕獨持正不撓有古大臣風其文博瞻有法非苟作者

凝齋集九卷別集二卷

刊本

右明南京戶部尚書南陽王鴻儒撰鴻儒學務窮理致用爲世所推

月峯淨稿十九卷遺稿一卷續稿二卷四稿十卷五

稿七卷六稿七卷

刊本

右明南京禮部尚書豐城楊廉撰其詩宗陳白沙莊定山之派是編皆其自定前三稿無序跋四稿五稿林希元汪偉序六稿自題小引婺源令羅縉

爲之合刻

羅文肅公集三十卷

刊本

右明吏部尚書南城羅玘撰玘出李西崖之門居金陵最久每有撰述必棲喬樹之巔或閉一室客有竊窺者見其形色枯槁所傳詩文一名青峯稿

堇山遺稿十五卷

刊本

右明工部左侍郎鄞縣李堂撰堂所居名堇山莊因以題集

立齋遺稿一冊

刊本

右明廣東石城所吏目合州鄒智撰初官翰林庶

吉士坐言事被謫踰嶺從陳文恭講學其集爲天
啟時李廷梁重刊

沈石田集八卷 刊本

右明長洲沈周撰周字石田嘗舉賢良不赴詩畫
擅名一時何元朗謂石田詩有絕佳者但爲畫所
掩耳

西村集八卷 刊本

右明吳江史鑑撰鑑才名亞于石田而其詩刻意
學古似當勝沈一籌

丹崖先生集十卷 刊本

右明瑞州府訓導崑山黃雲撰雲懷才不遇嘗渡
清淮投其文稿晚就一瓊苜蓿不克觀集中闕食
絕糧諸作可想其概門人朱實昌編其集并序

董從吾詩稿二卷 刊本

右明海鹽董濬撰濬自號從吾道人集名本此渡
江從陽明講學不自知有家室見陽明序本

鴻泥堂小稿四卷續稿十卷 刊本

右明江陰薛章憲撰章憲字浮休俞憲曰江陰有
隱逸士曰薛浮休平生恬愉自得曠達好遊工于
詞賦之學其聲調殊別雖難躋大方然積學之博

構思之勤不可泯也

白露山人文集二卷 刊本

右明蘭溪黃傅撰

西村詩集二卷 刊本

右明海塩朱樸撰

賓竹小鳴稿十卷 刊本

右明秦簡王成泳撰太祖來孫也宏治元年襲封
年十齡嫡母陳妃以唐詩教之日紀一篇嗣位後
日賦一詩三十年靡間紀善張晟校而刻之

鶴灘稿六卷 刊本

右明修撰華亭錢福撰福遊楊邃庵李西涯之門
嘗言作文須昌其氣詞必根據道理雖恒言俗事
亦不可放過可謂得作文之要

懷里堂集三十卷 刊本

右明應天府通判長洲祝允明撰有祝氏集畧又
有金縷醉紅窺簾暢哉擲果拂弦王期等集世傳
六如畫枝指生書名稱絕品其號枝指生者右手
枝指故也

杭雙溪詩集八卷 刊本

右明右副都御史宜興杭淮撰孝宗朝李何二公

首倡詩學一時如徐迪功能士選康對山王浚川
輩皆同聲而應之雙溪與其兄澤西亦預焉爲詩
嚴整雅健有作者之風今本有朱彝尊手跋

劉清惠公集十二卷 刊本

右明工部尚書上元劉麟撰麟官尚書後棄歸寓
長興之南垣自號垣上翁與孫一元龍霓吳玳施
侃等結詩社號茗溪五隱世宗旌別士僚御屏書
冰清玉潔者二人一爲大理卿陳恪一卽麟也今
本一名南垣老人集朱鳳翔序

南川稿十二卷 刊本

右明兵部侍郎會稽陶諧撰諧年十六卽領鄉薦
捷南宮居官抗直一名南川漫游稿

矩州詩集十卷 刊本

右明兵部右侍郎南海黃衷撰衷歷官所至皆有
題咏集後附其弟鑿樗亭集一卷

唐一庵集輯要四卷 刊本

右明刑部主事歸安唐樞撰樞號一菴少學于湛
若水留心經世之畧于九邊及越蜀黔滇險阻阨
塞無不親歷至老不衰世宗朝疏論李福連獄破
以六疑被斥爲民乃講學著書監司守令爲創一

庵書院于湖城著有木鐘臺集三十卷今本爲
國朝王表正輯其要者未附年譜

王文成全書三十八卷

刊本

右明南京兵部尚書新建伯餘姚王守仁撰

陽明要書八卷附年譜三卷逸事辨証二卷

刊本

右書陳龍正輯凡傳習錄書奏文移序說共八卷
年譜辨証附焉崇正時刊黃宗羲云有明之文統
始于宋至陽明而中興爲之一振自宋以外文與
道分爲二故陽明之門人不欲奉其師爲文人遂
使此論不明可爲太息

雙江文集十四卷

刊本

右明兵部尚書永豐聶豹撰初好新建良知之說
與辨難心益服聞新建沒爲位哭以弟子自處後
著困辨錄與王說異同

洛村遺稿二卷

刊本

右明刑部主事雲都黃宏綱撰宏綱學于陽明與
何善山齊名時人語曰江有何黃浙有錢王皆姚
江弟子也吉水鄒元標序

西行草一冊

刊本

右明尚書溫陵曾偉芳撰今本乃偉芳謫象郡詩

作

貞翁靜稿十二卷 刊本

右明刑部尚書崑山周倫撰

白齋竹里詩集六卷文畧一卷 刊本

右明福建左叅政鄞縣張琦撰其詩嘔心刻腎去

陳言者

張伎陵集七卷 盛明百家詩作六卷 寫本

右明戶部主事洵陽張鳳翔撰李夢陽爲之傳稱其自羞短視暗處反明燈月之下猶晝也字左手橫書瞬息滿紙其詩子安再生文房復出云

周恭肅公集十六卷 刊本

右明吏部尚書吳江周用撰用十歲能畫長師石田得其指授集中有詩云畫品仍游藝詩家特擅名輞川稱二絕早晚慰平生蓋以摩詰自喻也所著亦名白川集

魯文恪公集十卷 刊本

右明祭酒景陵魯鐸撰鐸號東岡一號蓮北有李濂序

山堂萃稿十六卷 刊本

右明工部尚書武進徐問撰別有養齋集

何文定公集十一卷 刊本

右明右都察御史贈工部尚書武涉何瑋撰黃宗

義云辨論瀾翻是其所長脫除議論則未免常調

水南稿十九卷 刊本

右明山西提學僉事德清陳霆撰霆博學著聞留

心風教不苟作者

洹詞十二卷 刊本

右明南京禮部左侍郎安陽崔銑撰

左桂坡集十四卷 刊本

右明浙江叅政盱江左贊撰前集五卷後集九卷

栗庵遺稿二卷 刊本

右明太常少卿仁和鄭環撰環廉介方正不妄取

與家居足跡不踐公府人稱特立之操

使東日錄一冊 刊本

右明工部尚書寧都董越撰越于宏治時使朝鮮

所作詩文其子天錫輯為此錄

梅岩集三十卷 刊本

右明伊陽知縣休寧張旭撰此編為竹洲書院藏

本

儼山集一百卷續集十卷外集四十卷 刊本

右明詹事府詹事上海陸源撰源練習典章生平紀載可資國史采擇黃宗羲謂其文倣歐曾有明之正派也

龍臯文稿十九卷

刊本

右明翰林院侍講學士武進陸簡撰簡白號龍臯子顧清序稱二十二卷今本祇十九卷恐非足本

石川集一冊

刊本

右明南京工科給事中壽張殷雲霄撰雲霄常與太白山人倡和風度多似之別有瀛洲芝田二集俞憲稱其詩氣逸才雄思竒語勁騷壇中一勅敵

也

孟有涯集十五卷

刊本

右明南京大理寺卿信陽孟渾撰集爲浚川王氏所輯杜柟徐九臯序之

梅國集四十一卷

刊本

右明刑部侍郎大庾劉節撰

倪小野集八卷

刊本

右明南雄知府餘姚倪宗正撰

西樵遺稿四卷

刊本

右明大學士南海方獻夫撰獻夫初爲吏部郎與

陽明論學請爲弟子尋謝病歸讀書西樵山十年
嘉靖初還朝以議大禮驟顯

別集類六

明

李空同集六十四卷

刊本

右明江西提學副使扶溝李夢陽撰夢陽母夢日
墮懷而生故名夢陽罷官歸自號空同子與何景
明徐禎卿邊貢朱應登顧璘陳沂鄭善夫康海王
九思號十才子李何尤爲諸家之倡

邊華泉詩集八卷

刊本

右明戶部尚書歷城邊貢撰俞憲稱其調逸情真

氣舒音亮詩多散亡今本有嘉靖間蕪佑復序

漢波集十六卷續集三卷

刊本

右明吏部郎中鄆縣王九思撰九思與康海同里
同官同心劉瑾黨廢每相聚沂東鄆杜間重貲購
樂工學琵琶海搗彈尤善工小詞詩有太樸不雕
之風

王氏家藏集六十五卷

刊本

右明太子太保儀封王廷相撰黃宗羲云家藏集
欲以博洽見長故于律呂夏正深云陰陽無所不

論

憑几集五卷浮湘稿四卷 刊本

右明南京刑部尚書上元顧璘撰二集皆撫湖廣時作別有山中歸田二集璘與劉元瑞徐昌穀號江東三才又與陳魯南王欽佩稱金陵三俊俞憲稱其詩隨事闡義因物洩情志希大方當在陳石亭王南原之上

息園集九卷 刊本

右前人撰息園者璘罷官後所構時時與客豪飲伎樂雜作

太白山人漫稿八卷 刊本

右明關中孫一元撰一元詭跡塵外清放自居管棲太白之巔自號太白山人初寓無錫後從西湖徙苕溪與劉麟等結社稱苕溪五隱按盛明百家稱二卷正德間鄭少谷刻疑別一本

鄭少谷集十五卷 刊本

右明吏部郎中閩縣鄭善夫撰善夫詩能于李何之外別開生面文則規模逼窄嫺然有秀色初以主事告歸作少谷草堂于金鰲峯下嘉靖初以薦起官便道游武彝九曲絕糧而卒今本有正德間林鈇序

雪窓詩六卷 刊本

右明上海吳爰撰正德丙寅華亭顧清序

呂涇野集三十六卷 刊本

右明南京禮部右侍郎高陵呂柟撰柟受業渭南薛敬之接河東薛瑄之傳官南都與湛若水鄒守益共主講席天下學者不歸姚江即歸若水獨守程朱不變者惟柟與羅欽順云著書十餘種今多著于錄

東塘詩集十卷 刊本

右明太子太保吉水毛伯溫撰嘗與夏公謹李獻

吉方思道相酬倡

涂水集五卷 刊本

右明兵部右侍郎榆次寇天叙撰天叙與崔銑呂柟善有孝行武宗南巡時攝應天府丞一時權幸多為禁制

歐陽恭簡公集二十二卷 刊本

右明吏部左侍郎泰和歐陽鐸撰鐸有文學修內行嘗知延平毀淫祠數十百所以其材葺學宮

韓五泉詩四卷 刊本

右明山西左叅議朝邑韓邦靖撰邦靖與兄邦奇

號三韓

碧川文選四卷

刊本

右明尚書勤縣楊守陟撰碧川守陟字所著本名
乾乾齋集此則從集中選出者

海涯文集八卷

刊本

右明舉人通州顧磐撰

高吾摘稿八卷

刊本

右明兵部侍郎武陵陳洪謨撰洪謨官都御史時
陳張原毛玉等妻子流離狀請卹于朝士論多之

東廓文集十二卷

刊本

右明南京祭酒安福鄒守益撰守益出姚江之門
姚江卒服心喪日與呂柟湛若水輩論學九廟灾
上言落職歸

俟知堂集十三卷

刊本

右前人撰

石居漫興二卷

刊本

右明刑部主事臨海陳器撰孫承翁編

峰溪集五卷

刊本

右明山西按察使僉事平湖蕭玉撰

棠陵文選八卷

刊本

右明湖廣按察副使開化方豪撰豪自號棠陵子與鄭善夫友善負才不羈發諸聲詩文名亦盛吳中論者謂在山谷伯仲之間

筠溪家藏集三十卷 刊本

右明戶部侍郎厓州鍾芳撰

鄭思齋文一冊 寫本

右明河南道御史莆田鄭洛書撰洛書與方豪友善先知上海縣有德政上海人為治田百畝資其家少華先生遺稿四卷 刊本

右明禮科給事中玉山詹泮撰泮以致仕終養鄉

里稱其賢

丁吏部文選八卷 刊本

右明吏部郎中常熟丁奉撰奉號南湖其集一名南湖留稿今本為宣城梅守箕所選薛應旂瞿景淳序之

錢東畬集十四卷 刊本

右明思南知府海鹽錢琦撰俞憲謂其詞肅懇切多憂時濟世之懷

陽峯家藏集三十八卷 刊本

右明大學士石首張璧撰

孫毅庵奏議二卷

刊本

右明南京吏科給事中慈谿孫懋撰顧英跋云德夫居恒前後留京五六載乘逆瑾蠹政武宗多事之秋不許不諱惟其是焉又多所俞允以彰遭逢之盛

孫孝子集二十卷

刊本

右明都督愈事餘姚孫堪撰忠烈公燧長子與弟墀陞俱廬墓以父難更哀墨三年世稱三孝子堪中武會試第一母楊九十餘沒堪年六七十以毀卒弟陞序其集

棟峯遺稿二卷

刊本

右明常德知府廣昌曾梧撰正德辛巳何濤爲序七星先生詩文抄十五卷

刊本

右明進士泰和劉鴻撰鴻自號七星居士正德間羅欽順爲序

黼庵遺稿十卷

刊本

右明應天府尹崑山柴壽撰鄒謙之云黼庵胸無城府言無粉繪行無機穽詩文皆典雅雄健不矜刻峭

節愛汪府君詩集一冊年譜一卷

寫本

右明大理寺卿崇陽汪文盛撰文盛與毛伯溫同
定安南所著一名白泉集傅汝舟編定

胡端敏公奏議十卷

刊本

右明兵部尚書仁和胡世寧撰世寧性剛直且知
兵疾惡如讎薦賢達士如不及援據古今洞中窾
會集中諸疏可見云

石岡集八卷

刊本

右明兵部侍郎睢州公孫天祐撰天祐有才智撫
大同時值兵變克樹軍功集爲李濂序

漸齋詩草二卷

刊本

右明山西叅政平湖趙漢撰漢常哭爭大禮受廷
杖復疏論張璫桂萼朝廷詰責之嘉靖乙卯餘姚

錢德洪序

洞陽詩集二十卷

刊本

右明廣東按察副使無錫顧可久撰俞憲云顧君
常諫武宗南巡世宗大禮兩遭廷杖其生平不肯
依附苟合如集中屢載避塵等句心事可知也

嵩渚集一百卷

刊本

右明山西按察僉事祥符李濂撰濂常作理情賦
李獻吉一見大驚訪之自此名滿河洛稱大梁才

子徧遊名山川著述繁富黃宗羲題其集云文多直叙不事波瀾

觀政集一冊 寫本

右前人撰濂歷官時所作別有嘉靖乙巳春遊稿一冊當時士林盛傳之今佚

薛考功集十卷西原遺書二卷 刊本

右明考功司郎中亳州薛蕙撰蕙先偃師人後家于亳諫南巡議大禮晚年從事性命之學黃百家云考功初生三月見芒神連呼曰芒郎芒郎家人驚怪沃冷水止之屏居西原著書樂道有得于二

氏元寂注老子以自見

旗陽林氏三先生集四冊 刊本

右明程番知府侯官林春澤人瑞翁集二冊署曰閩中百四歲翁其子戶部右侍郎林應亮少峯草堂集一冊又孫工部右侍郎如楚碧麓堂集一冊

鹿原存稿九卷 刊本

右明刑部郎中柳州戴欽撰

梓溪內集八卷外集十卷 刊本

右明翰林院修撰進賢舒芬撰正德時諫南巡杖謫福建監課司副提舉嘉靖初議大禮再杖歸卒

黃宗羲云梓溪不欲以詞章名世而識力高華文
有光芒不可掩處

東洲集二十卷 刊本

右明南京禮部右侍郎海門崔同撰嘉靖間大梁
曹金序

桂州文集五十卷 刊本

右明大學士夏言撰言長于應制小詞亦優首有
恩綸錄一卷年譜一卷

半洲稿四冊 刊本

右明左都御史侯官蔡經撰爲趙文華所劾與楊

忠愍同日死市士論冤之文華病篤命禱其平日
所陷六人經其一也集分北寓南行二種

小山類稿二十卷 刊本

右明楚蜀總督惠安張岳撰岳文治武功所至登
績詩特其餘事

夢澤集十七卷 刊本

右明裕州同知黃岡王廷陳撰廷陳初官給事中
諫南巡杖謫屏居二十年益自放廢其詩調高趣
新頗多奇句

西元集十卷 刊本

右明禮部右侍郎綬德馬汝驥撰汝驥律體華整
取法盛唐

青湖文集十四卷 刊本

右明江西按察使僉事山陰汪應軫撰應軫司諫
為直臣牧民為廉吏講學為醇儒皆可傳也

朱福州集八卷 刊本

右明福州知府上海朱豹撰俞憲云公詩文集甚
多而傳者止此及考公之先以詩名者四世矣

張文秉公集十八卷 刊本

右明大學士茶陵張孚敬撰一名龍湖集

泰泉集六十卷 刊本

右明少詹事香山黃佐撰嶺南自南園五先生後
風雅中墜賴佐力起衰學宗程朱嘗與姚江辨論
知行合一之旨平生撰述至二百六十餘卷泰泉
集刻于嘉禾乃公司成以前之作

許黃門集十二卷雲村集十四卷 刊本

右明禮科給事中海寧許相卿撰按黃門集即雲
村集黃門集後有附錄一卷年譜一卷合之則十
四卷也相卿師事甘泉陽明淡于宦情居紫雲山
四十年不入城市號雲林老人集皆手定自題絕

句云雲材病老語多囀造次詩成雜宋腔還溯開
元論風格拾遺壇上樹旌幢

張水南集十一卷 刊本

右明南京光祿寺卿江陰張袞撰俞憲云水南公
居江湖馳心廊廟常忽忽不樂也

宏藝錄三十二卷 刊本

右明刑部員外郎仁和邵經邦撰 國朝康熙間
經邦四世孫遠平重刻序曰先生所著三宏集曰
宏道者載道之文也曰宏簡者論史之學也曰宏
藝則先生所爲詩古文詞也

田秬山稿一冊 寫本

右明貴州提學副使龍溪田頊撰

張南湖集四卷 刊本

右明光州知州高郵張縉撰嘗讀書武安湖上自
號南湖其詩旨趣沈著尤工長短句

古山文集十二卷 刊本

右明舉人安仁桂華撰華與兄萼俱學于陽明之
門

雅宜集十卷 刊本

右明太學生吳縣王寵撰寵號雅宜少學于蔡羽

居林屋三年後讀書于石湖中道而天時賢惜之

杏東集十卷 刊本

右明翰林學士儀封郭維藩撰

二戴小簡二卷 寫本

右明太平戴豪戴顥撰

姜子靜文集六卷 刊本

右明河內姜樞撰樞為文定門人字子靜

霞城集二十四卷 刊本

右明歙縣程誥撰誥足跡半天下其詩得山川之助凡所經歷必紀以詩

傅山人集三卷 寫本

右明侯官傅汝舟撰汝舟自號丁戊山人遊踪遍于吳會荆襄齊魯百粵善養生術兼曉黃白見者驚為異人詩學少谷子語多奇崛

張莊僖文集六冊 刊本

右明左都御史烏城張永明撰集分南垣諫草中州疏畧部院彈章及家訓語錄五種

潘笠江集十三卷 刊本

右明左都御史上海潘恩撰恩六歲能調四聲音訂詩韻輯畧詩與高子業田叔禾酬和

芝園別集五十一卷奏議五卷公移六卷 刊本

右明南京兵部尚書鄞縣張時徹撰時徹學殖富有樂府古詩尤多創獲黃宗羲稱其文近板實獨其序豐考功描寫曲盡

大崖李先生集二十卷 刊本

右明舉人嘉魚李承箕撰承箕字世卿兄茂卿弟蓋卿皆顯仕舉鄉試後往師陳獻章日與登涉山水投壺賦詩縱論古今事獨無一語及道久之承箕有所悟辭歸隱黃公山不出

夏東巖文集六卷詩集六卷 刊本

右明南京太僕寺少卿永豐夏尚樸撰尚樸婁諒門人傳主敬之學與魏枝湛若水輩日相講習

葉海峯文一冊 寫本

右明南京刑部郎中太平葉良珮撰良珮歷任久熟精刑法生平究心典墳以作述名世所著書凡數百卷此其一也

春溪詩集四卷 刊本

右明南京工部郎中溧陽狄冲撰冲歷仕不達晚乃為郎集中有詩云官銜四轉轉萬里垂老始博尚書郎餘姚陳壇序

飛鴻亭集四卷 刊本

右明太子太保吏部尚書秀水吳鵬撰鵬胆畧過人在徐沛截漕發賑而後請命敗永城賊于五河罷官葺野樂園居之

知白堂稿十四卷 刊本

右明南京刑部尚書諸暨翁博撰

蘓門集八卷 刊本

右明湖廣按察使祥符高叔嗣撰叔嗣號蘓門因名其集陳束序

天馬山房遺稿八卷 刊本

右明湖廣道監察御史莆田朱洵撰嘉靖三年慈壽太后誕辰有旨命婦罷朝賀洵疏言謂興國太后既已舉行慈壽誕辰不當報罷疏入永陵震怒廷杖放歸

雲岡選稿二十卷 刊本

右明南京祭酒懷安龔用卿撰集爲其子燿重編刻

竹簡文集十三卷 刊本

右明兵部侍郎金華潘希曾撰希曾號竹澗分詩文八卷奏議四卷附錄一卷

治齋奏議十卷詩詞三卷文集四卷 刊本

右明吏部尚書進賢萬鏜撰嘉靖中應詔陳八事
語頗切直斥責家居十年後為同年生嚴嵩所援
集自為序

菲泉存稿八卷 刊本

右明禮部主事蕭山來汝賢撰汝賢工舉業嘉靖
乙酉壬辰俱第二人稿為門人姜寶校刊有跋

樛林摘稿三卷 刊本

右明南京都察院都事無錫秦鏜撰別號樂易先
生舉明經親老不應遇優詔授散銜

江山入集七卷 刊本

右明歙縣江瓘撰

蘭暉堂集四卷 刊本

右明右春坊右諭德平湖屠應竣撰勲之子陳臥
子稱其詩典麗流暢

少泉詩選八卷詩續選八卷文選五卷文續選五卷
刊本

右明太僕寺少卿京山王格撰其邑人高岱李淑
同選王世貞序

陸子餘集八卷 刊本

右明知縣長洲陸粲撰粲官給事坐劾張桂謫都
勻驛丞遷知永新所著名貞山稿今名子餘集者
仍其字也黃宗羲稱其文秀美平順不起波瀾得
之王文恪居多乃歐陽之支派也

田叔禾小稿十二卷

刊本

右明廣西左叅議錢塘田汝成撰一名豫陽集汝
成博學工古文諳曉掌故好遊覽與黃勉之徧遊
武林諸山互相酬唱

表胥臺集二十卷世緯一冊

刊本

右明廣西提學僉事吳縣袁秩撰表嘗報顧東橋

書有立言六難之論謂學難淵該事難綜覈詞難
雅健氣難冲和議難融貫志難沉澹知其著述卓
然不苟矣

趙浚谷集十六卷

刊本

右明巡撫山西都御史平涼趙時春撰文十卷詩
六卷徐階序時春與熊過陳束任翰呂高李開先
唐順之王慎中爲嘉靖八才子黃黎洲稱其文奇
掘頓挫精神透于紙背在唐亦杜樊川流亞云

西巡類稿八卷

刊本

右明南京工部尚書梧州吳廷舉撰廷舉在太學

時兄事羅玘又好薛瑄胡居仁之學尊事陳白沙
著有東湖奏疏東湖吟稿此名西巡類稿則官江
西叅政時作也門人梁景行序

王遵岩集二十五卷

刊本

右明河南叅政晉江王慎中撰慎中號遵岩居士
爲文初學秦漢後宗歐曾與唐順之齊名

羅念菴集十三卷

刊本

右明春坊左贊善吉水羅洪先撰洪先幼好傳習
錄後罷官益習姚江之學自天文地志禮樂典章
河渠邊塞戰陣攻守及陰陽筭數靡不精究至人

才吏治國計民生悉加咨訪還山居石洞命曰石
蓬坐一榻三年不出戶黃宗羲曰念菴之文從理
窟來自然轉折也

陳后岡文集一卷詩集一卷

刊本

右明河南提學副使鄞縣陳束撰束嘉靖八才子
之一妻爲董侍郎玘女亦能詩年俱三十餘卒無
後稿多散佚此集僅十之一二

熊南沙集八卷

刊本

右明禮部郎中富順熊過撰一作南洲集黃梨洲
稱其文有精力亦是能手

鶴田草堂集十卷 刊本

右明刑部尚書臨海蔡雲程撰

蔡可泉文集十五卷 刊本

右明南京戶部尚書晉江蔡克濂撰

程文恭公遺稿三十二卷 刊本

右明南京工部右侍郎永康程文德撰文德初受業章懋後從姚江供事西苑所撰青詞頗具規諷調官留都疏辭勸帝享安靜和平之福坐謗訕歸此編首列嘉靖己丑廷試大書御批曰探本之論

松溪文集十卷 刊本

右前人撰

明珠集二卷 刊本

右明湖廣叅議長洲吳子孝撰別有玉涵堂集未見

孔文谷集十六卷續集十卷詩集二十四卷霞海篇一卷 刊本


右明布政使汾州孔天允撰先聖齋號管涔山人俞憲謂文谷與予同仕籍幾二十年予欲傳其詩僅得霞海篇數十首今本卷帙頗多皆後出也

冰玉堂綴逸稿二卷蘭舟漫稿一卷二餘詞一卷 刊

本

右明福建布政使叅議太倉陳如綸撰如綸號午江本姓許少育於姑蒙陳姓後子謙亨等復歸宗

閱午堂集七卷 刊本

右明南京禮部尚書烏程閔如霖撰珪從孫明史附見珪傳集為曾孫一  合珪集同刊

自知堂集二十四卷 刊本

右明南京工部右侍郎德清蔡汝楠撰汝楠八歲侍父玘聽講于湛甘泉輒有解悟初汎濫于詞章守衡州始與諸生窮經于石鼓書院爾趙大洲來

遊為之開拓其識見叅政江西以後與鄒守益羅洪先遊學日進益

塞村集四卷 刊本

右明巡撫遼東都御史固安蘓志皐撰別有枹罕集

許水部稿三卷 刊本

右明廣西布政使叅政錢塘許應元撰別有漪堂稿一名茗山集俱見俞憲盛明百家詩序此集以水部名者楊元長序云官郎署時作也

祐山文集十卷詩集四卷 刊本

右明給事中平湖馮汝弼撰汝弼初居諫垣後以
劾汪鉉被謫及歸田恂恂無忤于物東湖之好義
者首推之

龍溪集二十二卷 刊本

右明南京兵部武選司郎中山陰王畿撰畿爲姚
江高弟官南都夏言斥爲僞學奪職歸益務講學
吳楚閩越皆有講舍

心齋先生全集六卷 刊本

右明處士泰州王良撰號心齋事父以孝聞篤好
姚江之學姚江弟子遍海內率爵位有氣勢良以

布衣抗其間聲名反出諸子上

東遊集一冊 寫本

右明莘溪黃金撰

白洛原遺稿八卷 刊本

右明尚寶司丞武進白悅撰皇甫子循嘗稱其詩

序芳園稿二卷 刊本

右明廣西按察副使平湖趙伊撰沈懋孝序

承啟堂稿二十八卷 刊本

右明右給事中海鹽錢薇撰薇受業于湛甘泉官
行人泊然自守與同年生蔣信輩朝夕問學進給

事以言事斥爲民

奚囊蠹餘二十卷 刊本

右明吏部尚書仁和張瀚撰江陵奪情時中旨令瀚諭留瀚久不奉詔與以感悟被旨切責

存笥稿前集續集共二十四卷 刊本

右明南京祭酒華州王維楨撰維楨爲文好司馬遷詩好杜甫以李夢陽能兼此二人終身服膺之

俞憲謂其文多奇古大勝于詩

其茨文集八卷 刊本

右明編修無錫王立道撰按目錄作七卷附錄一

卷今卷中無附錄而增多續刻論表策詔十三篇爲第八卷立道以少年登第夙負端揆之望與唐

荆川王槐野並稱

嵩陽集七冊 刊本

右明崇慶知府光州劉繪撰繪初應試中州主者得其卷以河嶽英靈日之貴宗羲稱其文縱橫似蕪子瞻而加之潤色是明朝一作手

方山文錄二十二卷 刊本

右明陝西提學副使武進薛應旂撰有馬理序黃宗羲云先生爲考功時寘龍溪于察典論者以爲

逢迎貴溪其實龍溪言行不掩蓋借龍溪以正學術也先生嘗及南野之門而一時諸儒不許其名王氏學者以此節也然東林之學寔導源于此豈可沒哉

施璉川集八卷 刊本

右明青州知府歸安施峻撰字平叔徐伯臣云平叔詩隨時上下而格調渾厚體裁寔固一代之良見滄文集十五卷 刊本

右明吏部左侍郎錢塘茅瓚撰嘉靖戊戌進士第一人少夢神人授二巨字文曰見滄因以為號後

讀書寶奎寺山顛雷雨夜作質明露見滄二字乃故鎡宋理宗御書適符其夢云

大司空遺稿十卷 刊本

右明南京工部尚書南海陳紹儒撰

陽華漫稿八卷 刊本

右明漕運副都御史吳縣章煥撰

青霞山人集十六卷 刊本

右明錦衣衛經歷會稽沈鍊撰一名鳴劍集陳臥子云青霞快男子詩亦俊爽

白華樓文稿十一卷續稿十五卷吟稿十卷耄年錄

七卷 刊本

右明廣西按察副使歸安茅坤撰坤好談兵事平
猺賊有功為忌者所中坐廢善古文心折荆川荆
川喜唐宋文坤亦有八大家之選盛行海內耄年
錄者蓋自錄其晚年所作皆萬歷壬辰以後者別
有玉芝山房稿

大拙堂集九卷 刊本

右明通政副使泰和楊載鳴撰

崇蘭館集二十卷 刊本

右明浙江布政使華亭莫如忠撰如忠善草書詩

文有體要陳臥子云方伯名德羽儀詩頗朴易

嚴文靖公集十二卷 刊本

右明大學士常熟嚴訥撰訥初與李春芳入直西
苑撰青詞皆稱旨遂代郭樸為吏部尚書兼武英
殿大學士出理部務暮宿直廬成疾乞歸父母皆
在晨夕潔養里黨榮之

泌園集三十七卷 刊本

右明禮部尚書烏程董份撰附董道醇黃門稿一
冊

師畧哀言集十二卷 刊本

右明工部尚書右副都御史新建吳桂芳撰桂芳初知揚州建議增築外城楊有二城自桂芳始其平盜禦倭理漕治河諸績人共稱之

無聞堂稿十七卷 刊本

右明巡撫貴州都御史桐城趙欽撰黃宗羲云其文無蹊徑匠心而作固是一作家無知之者著有幾希圖說羅汝芳序中極稱之

劉子威集五十二卷 刊本

右明河南按察使僉事吳縣劉鳳撰鳳嘗著騷賦古文數十萬言自輯其近稿并魏學理所同賦刻

之爲比玉集

山帶閣集三十二卷 刊本

右明九江知府寶應朱日藩撰日藩字子价應登子以文章世其家

方麓居士集十一卷 刊本

右明南京右都御史金壇王樵撰樵生平積學研心著書嘗自言六經畢其四詩特餘事耳

華陽館集十二卷 刊本

右明大理寺卿永豐宋儀望撰儀望師事聶豹私淑王守仁又從鄒守益歐陽德羅洪先游守仁從

祀儀望有力焉所著別有陽山稿未見

章道峯集六卷 刊本

右明禮科給事中蘭溪章适撰吳郡徐枋序

楊忠愍公遺集四卷 刊本

右明兵部員外郎容城楊繼盛撰皇甫子循云楊

忠愍辭尚宏麗語罕怨誹江河一瀉乃徵其才光

燄萬丈悉由于氣

石龍庵集四卷附刻二卷 刊本

右明刑部郎中上虞徐學師撰學師上疏劾嚴嵩

與葉經謝瑜陳紹皆同里同時世稱上虞四諫

奇遊漫紀八卷 刊本

右明南京禮部侍郎華亭董傳策撰傳策劾嚴嵩

六罪下詔獄戍南寧隆慶時起用為人繩下過急

為家奴所害

彭比部集八卷 刊本

右明南京刑部主事海鹽彭輅撰輅詩文不尚敦

琢嘗有神在象外象在言外言在意外之論黃宗

羲稱其文鋪叙詳瞻故是名家

三洲詩贈四卷 刊本

右明叅政仁和沈淮撰

周叔夜集十一卷 刊本

右明工部員外郎華亭周思兼撰思兼初知平度有德政擢員外後有同年生貌類思兼者使經平度民競走謁見非是各嘆息去

海隅集四十卷春明集十三卷 刊本

右明太子太保禮部尚書華亭徐學謨撰本名學詩以與劾分宜者同姓名遂改爲謨黃宗羲稱其文得歐蘓之傳識見出尋常章句之上

春照齋集十卷詞二卷 刊本

右明南京戶部尚書樂亭王好問撰

蘓山選集六卷 刊本

右明按察副使沔陽陳栢撰莆中黃謙選定謙有

豐山先生集十二卷 刊本

右明福建左叅政海鹽馮臯謨撰

留餘堂集四卷奏議三冊 刊本

右明太子太保工部尚書總理河道烏程潘季馴撰季馴前後歷官二十七年四奉治河之命習知地利險易增築設防置官建閘下及木石椿埽綜理纖悉積勞成疾乞休而歸今奏疏三冊分巡按

廣東奏疏兵部奏疏爲二卷督撫江西奏疏爲四卷

六李集三十三卷 刊本

右明內卿李宗木杏山集八卷李雲鵠侍御集四卷李雲雁白羽集二卷李雲鴻秋羽集四卷提學副使李藜太史集六卷刑部主事李蔭比部集九卷雲鵠以下五人皆宗木子

賜閒堂集四十卷綸扉簡牘十卷 刊本

右明大學士吳縣申時行撰馮元成云其綸扉簡牘皆與直省督撫酬答商確政事之語有自序

余文敏公集十二卷 刊本

右明大學士勤縣余有丁撰

衡門集十五卷 刊本

右明光祿寺少卿海鹽鄭履淳撰昭陵時履淳上書過于激烈予杖一百流血繻縷至今遺袴藏其故宅云

天池草二十六卷 刊本

右明南京禮部尚書定安王宏誨撰

玉介園存稿十八卷附錄四卷 刊本

右明湖廣叅政永嘉王叔杲撰叔杲號暘谷焦茲

爲傳

許文穆集二十卷 刊本

右明大學士歙縣許國撰國與李維楨齊名館中
爲之語日記不得問老許做不得問老李爲人木
強廉慎自守攻擊雖多汗名不被

洪洲類稿四卷 刊本

右明陝西布政使叅議上海王圻撰圻乞終養歸
松江種松萬樹日梅花源仰屋著書門溷皆置
硯席

玉恩堂集十卷 刊本

右明南京太僕寺卿華亭林景鵬撰王錫爵序稱
其居諫垣多所建白

皇甫少元外集十卷 刊本

右明浙江按察使僉事長洲皇甫濬撰濬自號少
元山人因名其集兄冲弟汭濬並有盛名稱皇甫
四傑

皇甫司勳集二十五卷 刊本

右明雲南按察使僉事長洲皇甫汭撰汭七歲能
詩名動公卿

山居詩集六卷 刊本

右明舉人長治栗應宏撰應宏與高子業定交子業贈詩云紫團山高概青雲栗家兄弟殊不羣陳州一出駢五馬令弟二十窺三墳陳州者指其兄應麟官陳州知州者平生詩文皆其自定皇甫冲序之

文起堂集十卷

刊本

右明國子監生長洲張獻翼撰獻翼早負才名見賞于文徵仲讀書上方山治平寺撰周易約說諸書兄鳳翼弟燕翼並有詩名與皇甫兄弟同時故人稱之日前有四皇後有三張

謝四溟集十卷

刊本

右明臨清謝榛撰一名四溟山人集後附詩說一卷榛嘗脫盧柎于獄士論多之與李攀龍王世貞梁有譽宗臣吳國倫徐中行稱七才子後與攀龍論詩不合改稱五子榛不與焉

心逸道人吟稿二卷

刊本

右明海鹽吳宗漢撰王文祿序

張太初集八卷

刊本

右明江陰張汝元撰陳文均序

天日先生集二十一卷

刊本

右明江西右布政使長興徐中行撰一名青蘿集
按中行初在西曹與李攀龍王世貞結七子之社
李有詩云既聞風雅音三嘆文在茲王亦以藹藹
吉士目之性喜客無賢愚貴賤應之不倦至沒無
以具殮

甌瓌洞續稿詩十二卷文十五卷 刊本

右明河南叅政興國吳國倫撰七子中國倫最爲
眉壽嘗自題生壙旁亭柱云陶元亮自祭之文知
生知死劉伯倫隨行之鍾且醉且醒洵達生至語

雲山堂集六卷 刊本

右明山西按察副使蒲圻魏裳撰裳字順甫與余
日德汪道坤張佳元張九一爲後五子王元美云
魏順甫如黃梅坐人談上乘縱未透汗未失門宗

俞元蔚集二十四卷 刊本

右明崑山俞允文撰允文與盧柟李先芳吳維岳
歐大任爲廣五子王世貞頗爲推轂嘗刻其集而
序之凡四卷此本一名真逸集

蟻螿集五卷 刊本

右明太學生濬縣盧柟撰柟嘗使酒忤邑令令銜
之會事論之死以謝榛救之得脫獄中著廷翰放

招二賦辭旨沉鬱陳臥子稱其有越石清剛之氣
黃黎洲稱其爰書俗事出其手無弗雅者

東岱山房稿二冊 刊本

右明亳州同知濮州李先芳撰先芳字伯承所著
別有清平閣集朱彝尊云伯承與元美于鱗同舍
皆故等夷既而七子盛名狎主壇坫元美收之廣
五子之刻意寢不平晚逃于詞曲觀其詩雋一書
詳于淮北及巴蜀而獨黜大江以南蓋以吳楚揚
粵之間七子寔居其五其微意可窺也

天目山齋歲編二十四卷 刊本

右明巡撫貴州都御史孝豐吳維嶽撰初官西曹
與羣公結社詩中奇語往往驚人

柰山人集四卷 刊本

右明布衣嶺南柰世亨撰集爲世亨子嘉詒所刻
歐大任序

歐虞部集六十五卷 刊本

右明南京戶部郎中順德歐大任撰大任字楨伯
所著有思元堂旅燕浮淮秣陵北轅南翥游梁西
署輅中詔歸蘧園諸名先後發離年分地別其全
稿足本合名之曰虞部集趙用光云予讀廣十先

生傳知楨伯良史才其詩縱不得爲大家亦翩翩
乎一時之秀

瑤石山人詩稿十六卷 刊本

右明布政使叅議從化黎民表撰民表與王道行
石星朱多燧趙用賢爲續五子朱彝尊云瑤石詩
讀之似質悶而寔沉著堅韌元美所取續五子無
媿大小雅材僅此一人而已

古雪齋近稿一冊 刊本

右明宗室豫章朱多頰撰張位序

性靈稿二卷 刊本

右明貢生新安朱師孔撰李維楨序

由拳集二十三卷 刊本

右明禮部儀制司郎中鄞縣屠隆撰屠隆與李維
楨魏允中胡應麟趙用賢稱末五子初令青浦務
廣延接以仙令自許及在郎署尤放于詩酒罷官
後縱覽闕塞遍及吳越七閩之間所傳諸集皆未
嘗起草之筆別有白榆采真南遊諸集

胡元瑞集十五卷 刊本

右明舉人蘭溪胡應麟撰其四種兩都集二卷蘭
陰集一卷華陽集十卷養疴集二卷王元美云元

瑞才高而氣充象必意副情必流暢

三奉常集五十四卷 刊本

右明太常寺少卿太倉王世懋撰世懋父仔被誣與兄世貞自蒲伏嚴嵩門求貸徧求救諸貴人不得雪父復官後始就選胡元瑞稱其拔新標于四家七子之外以配哲兄誠無媿色李攀龍汪道昆輩稱爲少美由世貞字元美故也

浙江採集遺書總錄癸集終

浙江採集遺書總錄

癸集下

別集類七 明

白雲山房集二卷 刊本

右明光州知州仁和高應冕撰別有光州詩選二卷茅坤選周興爲序

孫百川集十二卷 刊本

右明湖州推官常熟孫樓撰

北虞遺文六卷 刊本

右明吳興令常熟邵圭潔撰

潛谷集十八卷 刊本

右明翰林院待詔南城鄧元錫撰元錫之學淵源姚江亦不盡宗其說鄉舉後杜門著述踰三十年五經皆有成書學者稱潛谷先生

濟美堂集六卷 刊本

右明刑部侍郎常熟陳瓚撰

潘象安集四卷 刊本

右明武英殿中書欽縣潘緯撰俞憲云新安潘象安有三咏集三卷其友王仲寅所選三詠者結社白岳雖病篤不廢吟咏有養疴集病愈遊淮有遊

淮集歸曲水園社友招之有園居集今本附琴操

一卷

童子鳴詩集六卷 刊本

右明龍游童佩撰佩字子鳴家貧從其父載書鬻吳越間後買一舫遊四方帆牆下皆貯書讀之窮日夜不息藏書萬卷皆手自勘讎嘗遊崑山執經于歸有光久之學益富詩歌日益有名集有王穉登序王世貞撰傳

鳳林集七卷 刊本

右明考功司主事襄陽王從善撰文四卷詩三卷

夢蕉存稿四卷 刊本

右明豐城游潛撰

少岳詩集四卷 刊本

右明光祿署丞秀水項元琪撰皇甫子循稱其古

選冲逸五言典雅七言清婉

北觀詩集四卷山中集一卷南行集四卷東遊集二

卷 刊本

右明柳城知縣崇安邱雲霄撰雲霄講學武夷山

自號止止山人所著一名止止齋集

止止堂集五卷 刊本

右明少保右都督登州戚繼光撰繼光結髮從戎
間闕百戰暇卽賦詩集名止止

高新鄭全集七十八卷 刊本

右明大學士新鄭高拱撰共十六種問辨錄十卷

本語六卷外制稿一卷綸扉稿一卷綸扉外稿二

卷程士集四卷日進直講四卷南宮奏牘二卷掌

銓題稿三十四卷獻枕集五卷政府書答四卷防

邊紀事一卷伏戎紀事一卷撻虜紀事一卷靖夷

紀事一卷綏廣紀事一卷其綸扉程士直講南宮

掌詮諸集皆歷官所著紀事諸書則居宰輔時經

國之畧也

伐檀齋集十二卷 刊本

右明蘄州衛指揮吳縣張元凱撰嘗作西苑詩寓
諷以詩交王元美元美因定其集而序之

甬東山人稿七卷 刊本

右明布衣鄞縣呂時臣撰時臣與大學士本同族
客歷下與李中麓楊夢山酬唱又客衡莊王邸賦
待月樓詩為王所賞最晚客藩宣王邸此集則衡
王所刻有自序

徐文長文集三十卷 刊本

右明諸生山陰徐渭撰今本有袁宏道評點陶望
齡為傳稱其詩雜出中晚宋元徃徃深于法而畧
于貌其自評則云書一詩二文三畫四別有張世
霖王思任評選本二十四卷題曰逸稿附以自著
畸譜一卷

豐對樓詩選四十三卷越草一卷 刊本

右明太學生鄞縣沈明臣撰朱彝尊云嘉則文長
同在胡少保宗憲幕府嘉則嶽嶽不阿少保遙望
見必起立嘗讌將士于爛柯山酒酣樂作嘉則于
席上賦凱歌十章吟至狹巷短兵相接處殺人如

草不聞聲少保起捋其鬚曰何物沈郎雄快乃爾
命刻石山上

十岳山人詩集四卷 刊本

右明布衣歙縣王寅撰寅少走大梁問詩于李獻
吉不遇嘗從少林僧習兵杖

白陽集二冊 刊本

右明監生長洲陳淳撰淳字道復以字行自號白
陽山人從游文衡山畫法稱入室弟子其寫生全
學沈石田詩亦倣之

隆池山樵集二卷 刊本

右明長洲彭年撰朱彝尊云孔嘉人品足亞徵仲
何穉孝長歌云隆池處士彭孔嘉徵仲並軌吳人
媵集有王世貞序

長谷集十五卷 刊本

右明奉化知縣華亭徐獻忠撰黃宗羲云伯臣文
多小品牧齋稱其有布書未見

東厓先生集二卷 刊本

右明泰州王震撰良仲子隨父之會稽傳陽明良
知之學吳興沈和贈詩云念子賢者後至理早已
融譬彼三世醫指授寧無從詩特其餘事

汪山人集十八卷 刊本

右明休寧汪少廉撰

元岳山人詩選八卷詠物詩二卷 刊本

右明秀水姚完撰王伯穀稱其詩清真古淡不事

藻繪

吳越游集七卷北遊編一冊 刊本

右明吳江王叔承撰王元美序

黃淳父集二十四卷 刊本

右明長洲黃姬水撰姬水為省曾令子有友名學
書于枝山黃元美云其文如北里名姬作酒才色

既自可觀時出俊語

松韻堂集十二卷 刊本

右明太學生常熟孫七政撰

汪禹又集八卷 刊本

右明休寧汪淮撰淮字禹又一名蘿山詩稿

卓光祿集三卷 刊本

右明光祿寺署丞仁和卓明卿撰明卿字徵甫葉

良茂云徵甫詩華瞻和暢才調過人

曹太史集十六卷 刊本

右明翰林院編修金壇曹大章撰

蒲洲集十卷 刊本

右明刑部郎中上虞陳綰撰綰字蒲洲同里謝瑜序稱其為兵部郎時守榆關多所建立

雁湖釣叟自在吟九卷 刊本

右明布衣嘉善王周撰附題詞一冊周子號泉者官至中丞其題詞皆其子同時人也

皆非集二卷 刊本

右明廣州叅將鄞縣萬達甫撰附子邦孚詩稿一卷其孫泰曾孫斯大斯同並能世其學

包叅軍集 刊本

右明叅軍鄞縣包大中撰

田亭草二十卷詩七卷 刊本

右明南京禮部尚書晉江王鳳翔撰

雲洞山房集二卷內閣奏稿十卷 刊本

右明大學士蘭谿趙志臯撰志臯居宰輔時多所疏陳及病臥床褥猶力疾草疏爭國本礦稅諸大

政其詩一名澱陽集

喙鳴詩集十八卷 刊本

右明大學士鄞縣沈一貫撰一貫于神宗朝輔政十三年當國者四年枝柱清議同好惡與前後諸

臣同惟于楚宗妖書京察三事不滿時論

朱文懿公集十二卷 刊本

右明大學士山陰朱賡撰

穀城山館詩集二十卷 刊本

右明禮部尚書東阿于慎行撰其詩春 宏麗一

時推為大手筆陸樹聲及其門人邢侗為之序

松菊堂集二十四卷 刊本

右明餘姚孫鰲撰燧之孫于慎行序

四遊稿六卷 刊本

右明大學士南昌張位撰位以持正忤江陵罷相

後于東湖杏花村建閒雲樓吟眺自娛老僧不識其為宰相也

禮部集八卷 刊本

右明禮部主事無錫華叔陽撰

雲東拾草十四卷

右明禮部侍郎長洲韓世能撰

溪山堂草四卷 刊本

右明都察院右都御史嘉興沈思孝撰思孝上封事忤江陵杖謫嶺南好賞鑒書畫言者遂劾其以千金購得右軍真蹟一卷其詩在瑯琊四十子之

列所著別有行成郊居西征陸沉諸稿又有吾美堂集

沈司成集一卷滴露軒藏稿一卷長水文鈔十卷刊本

右明南京司業平湖沈懋孝撰懋孝嘗學于趙大洲其論學不腐論文有根柢所著別有淇林雜咏朱秉器集八卷刊本

右明山西巡撫副都御史新淦朱夢震撰孟震字秉器所著詩文各四卷一名郁木生全集初官刑部主事時結清溪社一時名士有聲應氣求之合

清音閣集六卷刊本

右明福建提學副使吳江顧大典撰皇甫序不二齋文選七卷刊本

右明左諭德山陰張元忬撰元忬少貧氣節聞楊繼盛死爲文遙誄之父天復緣事削籍元忬遇恩請復官不從遂悒悒得疾卒

江岷嶽文集四卷刊本

右明江西提學副使全椒江以東撰

天遠樓集二十七卷刊本

右明吏部侍郎長洲徐顯卿撰

定宇文集六卷

刊本

右明吏部右侍郎新建鄧以讚撰以讚生有異質從王畿傳良知之學

黔草二十一卷

刊本

右明兵部尚書泰和郭子京撰子京敷歷外臺著書不輟別有閩草留草蜀草浙草晉草此黔草乃巡撫貴州所作

碧山學士集十九卷

刊本

右明少詹事秀水黃洪憲撰洪憲自號碧山居士

馮元成詩集七卷文集七卷

刊本

右明湖廣叅政華亭馮時可撰時可字元成陳臥子云吾鄉元成可方吳門劉子威其集內頗有論及禪釋之語鄒元標序

方初庵集十六卷

刊本

右明杭州知府欽縣方揚撰

海忠介公集六卷

刊本

右明南京右都御史瓊山海瑞撰瑞生平爲學以剛爲主因自號剛峯自爲縣以至巡撫所至力行一條鞭法其清鯁諸跡人多傳誦今本爲國朝康熙間賈棠序而重刻者

素園存稿十八卷

刊本

右明南京戶部侍郎歙縣方宏體撰宏體所居曰

素園故以名集葉向高表宏道皆有序

萬一樓集五十六卷續集六卷外集十卷

刊本

右明湖廣副使諸暨駱問禮撰其家譜及自撰墓

銘附

姚承庵文集十六卷

刊本

右明廣昌知縣烏程姚舜收撰承庵以厚德聞鄉

里研究六經各有疑問今並著于錄

孫宗伯集十卷

刊本

右明吏部左侍郎無錫孫繼臯撰一名栢潭集

居業次編五卷

刊本

右明南京兵部尚書餘姚孫鑛撰鑛字月峯朱彝

尊云月峯勤學過于士安慧業不如靈運

趙忠毅公詩文集二十四卷

刊本

右明吏部尚書高邑趙南星撰姚夢長稱其詩淋

漓沉痛讀之如聞易水擊筑之音黃梨洲稱其文

是是非非無所隱避維不事華采而部伍整肅

田居稿一冊

刊本

右明太子太保兵部尚書長垣李化龍撰化龍詩

釀厚之中頗多爽豁

去偽齋文集十卷 刊本

右明刑部侍郎寧陵呂坤撰坤剛直性成著述多出新意按察山西時嘗撰閩範圖說鄭貴妃見之增入十二人且為製序戴士衡劾其結納宮闈後有妄人為跋名曰憂危竝議幾蹈不測賴朝廷歸罪士衡而解集有朱國楨序

許長孺集十卷 刊本

右明御史海寧許聞造撰

來禽館集二十九卷 刊本

右明陝西行太僕少卿臨邑邢侗撰侗築來禽館

于古犁邱詩文書畫擅絕兼品

調象庵稿四十卷 刊本

右明湖廣提學僉事無錫鄒迪光撰別有鬱儀樓

始音閣二集

支子全集五十四卷 刊本

右明奉新知縣嘉善支大綸撰集分政餘六卷教餘二卷藝餘十四卷耕餘八卷述餘六卷屯餘八卷永陵編年史八卷昭陵編年史八卷其全集一名華萃集

滄然軒集八卷 刊本

右明禮部尚書交河余繼登撰

鄒忠介公奏疏五卷存真集十二卷 刊本

右明左都御史吉水鄒元標撰元標少從胡直游得姚江之傳後與馮從吾建首善書院講學京師倪鴻寶謂其理學似王文成鯁直類海忠介

致和堂文集四冊 刊本

右明兵部左侍郎德清許孚遠撰孚遠篤信良知而惡夫援良知以入佛者與郡人羅汝芳講學不合官南都與汝芳門人楊起元周汝登並主講席

陸學士遺稿十六卷 刊本

右明南京禮部右侍郎蘭谿陸可教撰

近溪全集十二冊 刊本

右明雲南叅政南城羅汝芳撰分近溪子集六卷

近溪語要二卷會語續錄二卷明德詩集二卷附

錄二卷

楊太史家藏集八卷 刊本

右明吏部侍郎歸善楊起元撰題曰續刻楊復所太史家藏集起元從羅汝芳得王艮之傳其學頗亦近禪

快雪堂集六十四卷 刊本

右明南京祭酒秀水馮夢禎撰夢禎歸田後築室孤山家藏快雪時晴帖因名其堂曰快雪

五岳游草十二卷 刊本

右明太僕寺少卿臨海王士性撰係遊五岳隨地紀勝之作

海門先生集十二卷 刊本

右明南京尚寶卿崧縣周汝登撰汝登與楊起元並從羅汝芳學起元學不諱禪汝登輯聖學宗傳盡採先儒語之類禪者入之萬歷時講學習氣類

如此

東越正學錄十六卷 刊本

右前人撰汝登門人輯首會語五卷後皆詩文雜著

農丈人文集二十卷詩集八卷 刊本

右明太常寺少卿鄞縣余寅撰寅字君房少日夢人曰君命同孔子年逾七十三無恙後某年奉川產麟太守以白君房果卒萬斯同云

楊道行集十七卷 刊本

右明兵部郎中全椒楊于庭撰道行于庭字

青棠集八卷 刊本

右明禮部郎中烏程董嗣成撰官祠部郎時以上
疏爭建儲事削籍集為謝在杭序

負苞堂集十卷 刊本

右明國子監博士長興臧懋循撰

姑孰集二卷 刊本

右明大理寺丞德清章嘉楨撰別有南征集
中林草

李文節公集二十八卷 刊本

右明大學士晉江李廷機撰文節清畏人知奈為

黨論所攻攢譏竦諄而君子之守確然

劉大司成集十六卷 刊本

右明祭酒吉水劉應秋撰鄒爾瞻稱其詩文肅宏
舒徐出入韓歐間

蒼霞草十二卷 刊本

右明大學士福清葉向高撰時東林諸子奉之為
倫魁海內服其公忠云

江臯吟一冊 刊本

右明廬江郡丞河朔劉師朱撰葉向高序

黃離草三十卷 刊本

右明禮部右侍郎江夏郭正域撰正域坐妖書繫獄九死不悔其論詩文不專宗一家黃宗羲稱其文學歐陽而加以詞藻與臺山相伯仲

百可亭集奏議四卷書問三卷詩摘稿二卷 刊本

右明福建都御史南海龐尚鵬撰尚鵬負經濟才慷慨任事歷官多所樹立

鄒聚所文集六卷附外集一冊 刊本

右明按察使僉事高安鄒德涵撰守益孫江陵禁講學德涵守之自若初從耿定理遊定理不答發憤湛思不覺有得

虞德園先生集二十五卷 刊本

右明吏部稽勳司員外郎錢塘虞淳熙撰淳熙詩文皆務奇僻多所創獲與弟淳貞並有名

朱大復集五十二卷 刊本

右明刑部主事烏程李長春撰長春字大復晚事修鍊嘗累梯十重學紳舉墮地幾殞虞淳熙序

梅谷集十八卷 刊本

右明翰林院修撰晉江莊履豐撰

松門稿八卷 刊本

右明翰林院修撰華州王庭選撰

玉茗堂詩集十八卷

刊本

右明遂昌知縣臨川湯顯祖撰顯祖填詞妙絕一時牡丹亭記而外餘曲尚多悉爲其子開遠所焚詩力劉王李之習文亦精悍有識力

占星堂集十六卷

刊本

右明禮部侍郎華亭唐文獻撰文獻未第或見奎宿于堂因名之曰占星徐獻忠爲記孫克宏作八分書于門屏萬歷丙戌進士第一故以名其集

河千集七卷

刊本

右明太傅晉江黃汝良撰

白蘓齋集二十二卷

刊本

右明右庶子公安袁宗道撰宗道字伯修與弟宏道中道並有才名時稱三袁朱彝尊云嘉靖七子之派徐文長湯養仍王伯穀諸人變之而不能自袁伯修出服習香山眉山之結撰首以白蘓名齋旣導其源中郎小修益揚其波由是公安流派甚行

袁中郎集二十四卷

刊本

右明吏部稽勳司郎中公安袁宏道撰宏道年十六爲諸生卽結社城南爲之長其論詩力矯王李

之弊所著有綺紉解脫瓶花齋瀟碧堂等集此則
合爲一編題曰梨雲館類定袁中郎全集

珂雪齋近集十卷 刊本

右明南京吏部郎中公安袁中道撰末附袁祈辛
詩一卷中道十餘歲作黃山雪賦五千餘言長益
豪邁朱彝尊云小修才遜中郎而過于伯氏

尊拙堂文集十二卷附錄一冊 刊本

右明尚寶司少卿長興丁元薦撰馬君常云先生
立朝未淹期月痛哭言天下事皆關繫國是維持
清議遺文幸在風範儼然

兩行堂集十四卷 刊本

右明兵部主事嘉善袁黃撰黃字了凡兩行堂者
取順親友兄弟二事也黃宗羲云了凡贊畫朝鮮
其經濟實實可用書之便是有根柢之文

焦澹園欣賞齋集四十九卷 刊本

右明修撰上元焦竑撰竑晚掇巍科公望歸之其
儲書之富多手自抄撮集名澹園其自號也講學
以羅汝芳爲宗而善耿定向兄弟及李贄
環碧齋詩集三卷尺牘三卷祝子小言一卷 刊本

右明尚寶卿豫章祝世祿撰焦竑序

陶文簡公集十三卷 刊本

右明國子祭酒會稽陶望齡撰會稽陶氏以文獻世其家望齡父恭惠公承學負經濟歷官巡撫終尚書望齡掇魏科性恬退再預枚卜引疾不起于姚江之學推行有功所著別有歇庵集二十卷

今是堂集十一卷 刊本

右明推官會稽陶真齡撰真齡號石梁名與其兄石簣相亞姚江之後葢山之前東南講學之緒石梁與有力焉所著別有誦誦錄

馮少墟集十六卷 刊本

右明副都御史長安馮從吾撰從吾受業許孚遠以理學教授關中與楊起元孟化鯉陶望齡輩立講學會後官京師建首善書院爲朱童蒙所劾王紹徽毀書院擲先聖像發憤卒集有鄒元標趙南星高攀龍三序

竹素堂集十四卷 刊本

右明南京太僕寺少卿上海陳所蘊撰

小山草十卷 刊本

右明戶科給事中京山郝敬撰黃梨洲稱其文淄淄莽莽另是一種家數所著又名山草堂嘯歌

鄭侯升集四十卷 刊本

右明刑科給事中歸安鄭明選撰朱國楨序一名
鳴缶集

中倉山人稿五卷 刊本

右明太倉王士驩撰世貞次子

涇臯藏稿二十二卷 刊本

右明吏部郎中無錫顧憲成撰憲成削籍里居與
弟允成倡修楊時東林書院講習之餘諷議朝政
裁量人物忌者援為口寔黨禍成焉

朱襄毅公督黔疏草十二卷督蜀疏草十二卷 刊本

右明太師山陰朱爕元撰皆總督川湖雲貴經理
酋疆事宜所上疏草曾孫人龍校刻其集清漳林
宰三原來復序之別有恒岳遺稿乃詩

蘭江集二十二卷 刊本

右明兵部尚書太倉王在晉撰別有龍沙會草越
鐫楚編遼海集西湖小草

石閭山房集十七卷 刊本

右明右僉都御史浙江巡撫南昌劉一焜撰一焜
撫浙築龕山海塘濬餘杭南湖民賴其利

瑞芝山房集十四卷 刊本

右明新安鮑應鰲撰劉一焜序

餐微子集三十卷 刊本

右明右僉都御史延綏巡撫嘉興岳和聲撰

旭山集十六卷 刊本

右明右僉都御史延綏巡撫宿松金忠士撰集中
奏議居多畢懋原序

吏隱齋集三十六卷 刊本

右明少詹事秀水陳懿典撰

恬致堂集四十卷 刊本

右明太僕寺少卿嘉興李日華撰日華號竹懶居

官日淺惟以書畫自娛所居春波橋為吳仲圭舊
里

郅聖集十二卷 刊本

右明司理涑川范守已撰別撰膚語天官舉正參

通兩極曲洧新聞瑣談等書總名曰御龍子雜著

梅園集二十卷 刊本

右明左布政使鄞縣沈一中撰

韓孟郁蘧廬雜稿六卷 刊本

右明國子監博士南海韓上桂撰上桂才氣敏贍
所作多急就長于古詩歌行

王季重文集十三卷 刊本

右明九江僉事山陰王思任撰思任才情爛熳其詩自建旗鼓鍾譚之外又一派也

天隱子遺稿十七卷 刊本

右明震澤嚴果撰王思任序

顧氏詩史十五卷 刊本

右明中書舍人華亭顧正誼撰

蘓遜庵文集十八卷詩十卷駢語五卷續一卷 刊本

右明兵部右侍郎同安蘓復一撰復一詩文繁富駢語亦不屑猶人

劉直州集十卷 刊本

右明兵部員外郎廣昌劉文卿撰

顧太史集八卷 刊本

右明行人司司正崑山顧天竣撰

麗崎軒集四卷 刊本

右明舉人休寧查應光撰後有懸藻亭詩一冊乃應光姪維宏所著應光有傳秣陵俞彥作

癩真堂詩集二十卷文集三十卷 刊本

右明吏部右侍郎江寧顧啟元撰黃梨洲謂其文好用排調修詞之過反多俗筆

勾漏集四卷 寫本

右明蘓州顧起綸撰錢塘洪 編次

赤城集二卷 刊本

右明貢生亳州王寰洽撰

嬾園漫稿五卷 刊本

右前人撰顧起元誌其墓并序

崇相集十一卷 刊本

右明工部右侍郎閩縣董應舉撰

鏡山菴集二十五卷 刊本

右明西平堡監軍副使萊陽高出撰集分六編俱

天啟丙寅自序

寓林集詩文三十八卷 刊本

右明江西叅議仁和黃汝亨撰詩六卷文三十二卷

柳堂遺集十三卷 刊本

右明庶吉士仁和胡允嘉撰允嘉與同郡吳之鯨黃汝亨僧契靈同訂無言清坐之會名曰澹社每月一會拈詩談禪馮夢正主其席

緱山集二十七卷 刊本

右明編修太倉王衡撰銜字玉辰大學士王錫爵

之子集有高出序黃百家云公年十四作和歸去
來辭以諷江陵館閣中爭相傳寫長而學殖益富
能詩善書

許鍾斗文集五卷 刊本

右明編修同安許獬撰秀水洪夢錫校刊周宇春
跋

魏齋佚稿九卷 刊本

右明庶吉士秀水項鼎鉉撰自爲序

寶日堂初集三十二卷 刊本

右明南京吏部右侍郎華亭張鶴撰夏允彝序黃

宗羲云寶日堂文曲折能盡所欲言微嫌其冗講
學處頗有新得

已寬堂集四卷 刊本

右明四川布政使長洲陳壘撰萬歷戊戌王玉谷
爲序子大猷跋

大谷詩集二卷 刊本

右明主事洛陽溫新撰新與弟秀俱以詩名學七
子流派者

中谷詩集二卷 刊本

右明襄陽府同知洛陽溫秀撰嘉靖間秀子合其

兄新集並列之題曰二溫集有李應元後序

游讓溪甲集四卷乙集十卷 刊本

右明福建巡撫發源游震得撰甲集多說經之語
乙集皆奏疏及雜著詩文

素翰堂集八卷 刊本

右明廣陵徐來復撰來復高尚不出以吟咏自娛

學餘園集五卷 刊本

右明副都御史河南巡撫臨川邱兆麟撰一名玉

書庭集

南極篇十七卷皇極篇二十七卷東極篇四卷 刊本

右明光祿寺少卿三水文翔鳳撰黃百家云其學
以事天為極則力排西來之教著太微以翼易三
極所編皆詩文及官知縣時所存聽訟讞語惟南
極篇中有象索六十四篇言似近誕

漆園卮言十七卷 刊本

右明太僕寺少卿武進莊起元撰

周來玉奏議四卷 刊本

右明御史巡按湖廣吳江周宗建撰鄒元標建首
善書院宗建寔司其事疏論魏進忠有目不識丁
之語以此致禍

自娛堂集十卷 刊本

右明知縣長洲俞琬繪撰黃宗羲云文甚風華頗似李義山但無其學耳

落落齋遺集十卷 刊本

右明福建道御史江陰李應昇撰應昇嘗為南康推官聲清廉有前林後李之謠林謂晉江林學曾也徵授御史前後疏詞剴切小人以護法東林目之為魏忠賢所誣害

黃宗端公集六卷 刊本

右明山東道御史餘姚黃尊素撰天啟七君子之

一璫禍遇害謚宗端其集為長子宗羲編注

棘門集八卷 刊本

右明南京少詹事長洲姚希孟撰陳皇士稱其詩

春容雅麗崇正丁丑方震孺序

石秀齋集十卷 刊本

右明貢生華亭莫雲卿撰雲卿本名是龍以字行如忠子十歲能文善書皇甫汈王世貞亟稱之

隅園集十八卷黃門集三卷蘋川集八卷 刊本

右明太常卿海寧陳與郊撰李維楨誌其墓並附

許靈長集二冊 刊本

右明推官錢唐許光祚撰集中詩分體不分卷自
爲序

陳靖質集六卷 刊本

右明舉人嘉善陳山毓撰山毓自號靖質居士

豐正元詩四卷 刊本

右明鄞縣豐越人撰爲同邑屠本峻選定者

沈鳳岡集四卷 刊本

右明兵部侍郎泰州沈良才撰

李山人詩集二卷 刊本

右明鄞縣李生寅撰萬歷壬午楊寰序

雅尚齋二集二卷 刊本

右明仁和高濂撰有初集未見

青來閣初集十卷二集十卷三集十五卷 刊本

右明山東提學叅議西安方應祥撰

田子藝集二十一卷 刊本

右明休寧教諭錢塘田藝衡撰汝成子性放誕詩

有才調所著一名香字集

元蓋副草二十卷 刊本

右明雲南通判孝豐吳稼澄撰稼澄與茅繼臧懋

循吳夢陽並稱四子所著別有北征南諧滇游諸

稿此本名元蓋副草以所居近天目天目別名元蓋也

芸暉館稿十二卷 刊本

右明歸安茅翁積撰

折腰漫草八卷 刊本

右明永昌通判無錫華善繼撰善繼與弟善述並有才名王元美極賞其詩列其名于四十子之數

齋志先生集十卷 刊本

右明秀水陳泰交撰

汪次公集十二卷 刊本

右明休寧汪道貫撰道貫兄道昆弟道會俱能詩

宋布衣集二卷 刊本

右明新河宋登春撰一名鷺池生集

白雲集六卷 刊本

右明莆田陳昂撰其自序云家貧無書誦王右丞作卽師右丞誦杜工部作卽師工部集有鍾惺所撰傳

黃悅仲詩草十七卷 刊本

右明黃維楫撰

琴琴集四十集 刊本

右明吳江俞安期撰安期字羨長嘗以長律一百五十韻贈王元美元美爲之傾倒又訪汪伯玉于新安訪吳明卿于下雒由是才名大噪郭正域吳國倫序其集

汲古堂集二十八卷 刊本

右明布衣永嘉何白撰朱彝尊謂其原亦出于七子頗與俞羨長相近

藜桂軒詩二卷 刊本

右明常熟吳大經撰

程仲權詩集十卷文集十二卷 刊本

右明休寧程可中撰

方建元集十四卷 刊本

右明歙縣方于魯撰于魯本其字以治墨有名遂以爲名改字建元嘗以百花香露和墨自作長歌世但目爲墨工然汪伯玉曾招之入豐于社其集李維禎爲序

涉江詩七卷 刊本

右明太學生歙縣潘三恒撰別有金閭東游二集松圓浪淘集十八卷倡庵集二卷 刊本

右明休寧程嘉燧撰嘉燧流寓嘉定知縣謝三賓

曾合唐時升姿堅李流芳及嘉燧詩刻之別有足
裝一卷是其手書付梓者今未見

射堂詩鈔十四卷 刊本

右明歸安吳夢暘撰新安閔景賢輯明布衣詩推
夢暘爲中興布衣之冠集後朱長春十哀詩附

吳非熊稿共十卷 刊本

右明休寧吳兆撰有金陵廣陵姑蘓豫章諸稿

思親齋集十二卷 刊本

右明諸生嘉定徐允祿撰

靜嘯齋存草十二卷 刊本

右明監生烏程董斯張撰斯張初學于趙廣業後

心折曹能始歸與吳允兆王亦房酬和

蔬齋扉語四卷 刊本

右明處士錢塘沈太洽撰太洽自號愚公所居曰

適軸隱于醫且好學禪是編前二卷雜記後二卷

爲詩集

火傳集十卷 刊本

右明海陽金鵠撰

春浮園文集二卷詩一卷春浮園偶錄二卷南歸日

錄一卷汴遊錄一卷日涉錄一卷蕭齋日記一卷

大乘起信論解一卷 刊本

右明吏部郎中泰和蕭士瑋撰符曾云有明詩自正嘉以後王李倡于前驅天下工為形似之語真音絕響伯王先生摹繪宋元起而以清削行之可謂善矯積習矣

茅簷集八卷 刊本

右明諸生嘉善魏學伊撰魏忠節大中子字子敬錢士升序其集云子敬之志父存則不獨死父死則不獨生是誠孝子之知己矣

湖湘五畧十卷 刊本

右明南京戶部尚書武進錢春撰春初官御史疏救黨禍甚有聲居大僚循職無咎明史附父一本傳後

葛光祿集六卷 刊本

右明光祿寺卿海寧葛徵奇撰徵奇樂志園林夫婦迭相倡和詩格亦超超拔俗

螢芝集七卷禪粟秣二卷 刊本

右明揭陽知縣金壇張明弼撰明弼自號琴張居士與黃石齋友善所刻詩文石齋為序禪粟秣則皆與友人問答禪語也

文生小草一冊 刊本

右明中書舍人長洲文震亨撰崇正朝震亨以善琴供奉浮沉金馬吟咏倘佯世無嫉者

自廣齋集十六卷 刊本

右明舉人吳縣張世偉撰

晚香堂小品二十四卷白石樵真稿二十四卷尺牘四卷 刊本

右明華亭陳繼儒撰朱葵尊稱眉公以處士傾動朝野守令之臧否由夫片言詩文之佳惡異其一顧甚至吳綾越布皆被其名灶妾餅師爭呼其字

嚴逸山文集十三卷 刊本

右明舉人歸安嚴書開撰

邢石臼前集九卷後集七卷 刊本

右明諸生高淳邢昉撰居石臼湖因名其集

黔行錄六卷 刊本

右明叅政山陰陸夢龍撰夢龍崇正癸酉分守固原道與流賊戰死此黔行錄乃初官廣西提學僉事時作

明德先生文集二十六卷 刊本

右明兵部尚書新安呂維祺撰魏忠賢毀天下書

院維祺立芝泉講舍祀伊洛七賢從父避賊留洛陽立伊洛會及門二百餘人著孝經本義洛陽陷被執不屈死 國朝康熙初子兆璜編刻集後有全城記附

范文忠公初集十二卷 刊本

右明大學士吳橋范景文撰

霏雲居續集二十四卷 刊本

右明舉人龍溪張燮撰黃宗羲嘗稱其文波瀾壯濶而佐以色澤萬歷間一作手也

峯陽草堂集三十六卷 刊本

右明庶吉士武進鄭鄮撰附中庸大學論語說及詩書論世五種峯陽其字也黃道周嘗自劾有七不如謂文章意氣坎坷磊落不如鄭鄮時鄮方被杖母大詬帝得疏駭異詰問之道周對曰匡章見棄通國孟子不失禮貌臣之文章不如鄮耳按杖母事詳黃氏南雷文定所撰墓表

鴻寶應本十七卷遺稿二卷代言選二冊講編一冊奏牘二冊 刊本

右明戶部尚書上虞倪元璐撰鴻寶其號也京師陷自經史朱葵尊云尚書築室于紹興府城南隅

堂東飛閣三層扁曰衣雲適石齋黃公至越施以
錦帷張燈四照黃公不怡謂國步多艱吾輩不宜
宴樂尚書笑曰會與公訣爾

凌忠介公遺集二冊 寫本

右明大理寺卿烏程凌義渠撰義渠官禮垣時封
事四十餘上皆切中時弊臨難之頃從容之義惟
悉取其平生撰述焚之爲可惜也

雪堂集十卷 刊本

右明都察院司務錢塘沈守正撰其集附經義

念臺奏疏五卷 刊本

右明左都御史山陰劉宗周撰宗周家居恒服紫
花布衣士大夫爭效之布爲長價莊烈賜勅云蔬
食菜羹三月不知肉味敝車羸馬廿年猶是儒生
乙酉六月避居楊壩不食卒

幾亭文錄三卷幾亭外書九卷 刊本

右明南京國子監丞嘉善陳龍正撰龍正少遊高
攀龍門初官中書舍人好言事業紹顛趙奕昌皆
力舉不見用

貞石堂集十二卷 刊本

右明徽州府推官烏程溫璜撰璜少孤母陸孺人

種火煨粥教其子讀書公初名以介注名復社禱
夢于于忠肅祠夢忠肅語之云子不當名以介宜
更曰璜

蘧園集十卷

刊本

右明舉人歸安顧簡撰簡性高淡不樂仕進門人
私謚冲素先生有崇正己卯方拱乾甲申徐石麒
序

可經堂集七卷

刊本

右明吏部尚書嘉興徐石麒撰冢宰歸田之日築
室于郡榜曰可經入不解其故及乙酉城被圍公

自經于堂人以爲織云

陶菴文集七卷補遺一卷詩集八卷補遺一卷吾師

錄一卷自監錄四卷

刊本

右明進士嘉定黃淳耀撰淳耀精于書義詩亦堅
厚無懦響集爲門人陸元輔原輯 國朝乾隆辛
巳寶山司訓陶應鯤重編

白房集三卷續集三卷白房雜述三卷

刊本

右明雲南叅政上虞朱袞撰袞初官翰林直言忤
執政不容于時官滇南而終

駢枝別集二十卷石齋咏業四冊

刊本

右明諭德漳海黃道周撰道周入翰苑卽以天下之重自任退而講學大滌洞天蓬萊峽其學深乎璣象詩才光燄不啻萬丈所著別有易象正三易洞璣及大函經沒後家人得其小冊謂終于丙戌年六十二始信其能知來也

聖雨齋詩集五卷文集四卷詞二卷賦二卷

刊本

右明諸生桐鄉周拱宸撰黃道周爲序

天傭子集二十卷

刊本

右明舉人東鄉艾南英撰南英深疾場屋文腐爛與同郡章世純羅萬藻陳際泰力矯之時稱四家

爲古文排詆王李不遺餘力黃百家云天傭子集外多有未刻詩文散在將樂永福二縣今吾友范國震爲郡嘗托其採訪之

兩洲集十卷

刊本

右明新安吳時行撰金聲爲序

歐餘漫錄十二卷

刊本

右明烏程閔元衢撰

已未留橋二卷

刊本

右明柳州知府臨川章世純撰其序云意言相屬以寡含多原事見理前無因詞而性之所創手筆

特雄世純博聞強記官柳州年已七十矣聞京師
變悲憤卒

石倉詩文全集四十二卷 刊本

右明陝西副使侯官曹學佺撰李儔儀稱其天才
豐瞻研討精深軒輊三唐吐詞漢晉所居石倉園
著書甚富嘗謂二氏有藏吾儒獨無欲修儒藏與
鼎立采擷四庫書因類分輯十有餘年惜其功未
竣也

啜墨亭集一卷 刊本

右明大理寺卿鄞縣徐時進撰薛三省爲序

靈護閣集八卷 刊本

右明御史宜興湯兆京撰兆京居官廉正遇事懷
慨其時黨勢已成正人多見齟齬維持其間清議
倚以爲重

薄遊草十五卷 刊本

右明順慶知府金谿謝廷諒撰廷諒嘗疏論儲君
立爲王舉人有考察巡按久任章疏留中年例不
舉考察不下諸弊政言頗切實

重暉堂二十五卷 刊本

右明嘉興屠中孚撰

蓮鬚閣集二十六卷 刊本

右明職方主事番禺黎遂球撰崇正初鄭進士趨宗未第時主會賦牡丹詩者百人美周居第一時號黃牡丹狀元黃宗羲云蓬鬚閣文秀美居然小品名家

姑山遺集三十卷 刊本

右明貢生宣城沈壽民撰崇正丙子應詔入都適宣大總督楊嗣昌奪情遂抗疏劾之未幾携疾去講學姑山從遊者數百人卒後徐枋作傳黃宗羲作墓誌門人梅枝鳳施閏章等刊其集有梅庚跋

姑山事錄八卷 寫本

右前人撰門人吳肅公杜名齊編

夢華子集二卷 刊本

右明宣城吳垌撰垌與湯纘禹徐日康沈壽民壽

國相友善皆太宰鄭三俊門人也

蘭臺奏議一卷按秦奏議一卷閱邊奏議一卷掌臺

奏議一卷 刊本

右明南京吏部尚書婺源余懋衡撰蘭臺奏議初官御史所作按秦閱邊報皆巡按陝西作掌臺則服闋掌河南道事時作

豐草庵前集三卷文集三卷未夾稿三卷雜著十卷

詩集十卷別集六卷四畧四卷 刊本

右明烏程董說撰晚為僧名南潛

銅馬編二卷 刊本

右明知州楊德周撰初宰玉田甚有聲

黃元龍詩一冊小品二冊 刊本

右明歙縣黃奐撰奐字元龍小品內分尺牘二卷

醒言一卷偶載一卷

鷄土集六卷 刊本

右明知縣唐縣劉乾撰

澄思集二冊 刊本

右明檢討東海楊觀光撰

全室外集十卷 寫本

右明釋臨海宗泐撰洪武初舉高行命往天界寺

十四年設僧錄司掌天下釋教事曰善世曰闡教

曰講經曰覺義左右各一員明年以宗泐為右善

世太祖賞其識儒書呼為泐秀才其詩博遠古雅

當代宏秀之宗也有朱右蔣一夔序

冬谿內集二卷外集二卷 刊本

右明釋嘉善方澤撰住秀水精嚴寺彭子殷云嘉

靖開士以善鳴詩者三人谷泉福玉芝聚西洲會
冬谿子與之倡和隆慶間平湖陸光祖序刻張之
象彭輅各有序

幻華集二卷

刊本

右明釋海監斯學撰住本邑慈會寺禪藻集載某
居士稱之曰清冰勵操栗玉明襟韻似道林不屑
養馬才優無可不愛除官萬歷丁酉姚士麟序其
集

黃葉菴詩草二卷

刊本

右明釋秀水智舫撰住本邑金明寺後移郊西黃

葉菴善行草書詩不存稿好事者就長箋橫幅傳
鈔輯爲上下卷刊行之

別集類八

國朝

靜惕堂文集二冊詩稿四冊文隱堂詩二冊雲中集
二冊粵遊集二冊閩遊集一冊詞稿一冊續稿三
卷

刊本

右國朝吏部侍郎秀水曹溶撰溶肆力文章尤
工尺牘長牋小幅人共寶之晚築室范蠡湖名曰
倦圃多藏書勤于誦覽沈德潛云芝麓長于近體
秋岳長于古詩而古詩之中五言尤勝芝麓謂龔

出學秋岳溶自號也

寶綸堂集一冊 刊本

右 國朝雲南按察使華亭許繼曾撰沈德潛曰
集中如遊我眉山歌飛騰滅沒可云善學太白者
睢陽行一篇叙湯文正斌除五通神事持論亦極
正大

果堂文鈔六卷詩鈔七卷 刊本

右 國朝鄞縣李鄴嗣撰黃宗羲稱東浙古文得
正路而由之者自果堂始生平以著書為事詩亦
刊落凡庸不肯一語猶人

夕陽寮存稿二冊 寫本

右 國朝同安阮旻錫撰沈德潛謂其集中詩無
陶淵明之安和有王仲宣之忼慷

蘧廬詩二冊 刊本

右 國朝歸安韓純玉撰純玉字子蘧沈德潛云
子蘧係求仲子求仲為湯霍林所累不無失身之
譏子蘧終身抱憾時時飲泣云

東江集鈔九卷 刊本

右 國朝仁和沈謙撰謙字去矜與柴紹炳吳百
朋陳廷會孫治張綱孫毛先舒丁澎虞黃吳齊名

號西陵十子陸圻云去矜少喜溫李見華亭陳給
事作乃循漢魏之規矩得初盛之風致

思古堂集三十五卷

刊本

右 國朝錢塘毛先舒撰先舒字穉黃孫治序云
毛子于詩最爲專家其樂府備體耳五言掇顏謝
之菁藻近體頡頏高岑李杜之間其書記今之絕
也論詩及辭沂厥元本經說鏘鏘窮源極流諸序
雜著高者極漢魏次亦伯仲柳州廬陵外傳家乘
論該而例當

善卷堂四六十卷

刊本

右 國朝仁和陸繁昭撰桐城吳日高注門人章
藻功跋徐林鴻云繁昭父培殉節死橫山時甫十
歲母陳命從陳廷會學讀書山中編摩經史發爲
詩文尤工四六有善卷堂集單行側注脫去排比
之迹與陳崧方駕云

萊山詩集八卷遺集五卷

刊本

右 國朝知縣歸安章金牧撰

容菴詩集十卷

刊本

右 國朝石門孫爽撰字子度與同邑曹叔則並
稱爲詩古文俱骯髒有氣骨

老雲齋詩刪十卷 刊本

右 國朝平湖沈不負撰

蕭然吟二冊 刊本

右 國朝歙縣程邃撰王卓日程穆倩眉宇深古

視下而念沉

林臥臥千律詩三冊 刊本

右 國朝戶科給事中仁和趙吉士撰初知交城

縣地僻山險羣盜盤踞吉士奉檄進勦先日置酒

張樂越宿復邀賓從剪燭賦詩夜半送客出廓卽

疾行四十里饗士卒進據三坐崖賊黨驚降擢給

事中出勘河道以註誤降國子監學正寓居宣武

門西名其園曰寄園以著述終老所著別名萬青

閣集姜宸英爲序

大觀堂文集三卷 刊本

右 國朝御史諸暨余縉撰初知封邱縣六載撫

恤流亡熟悉兩河形勢條議引河築堤諸大端深

得治河要領後巡視長蘆鹽課商民德之予告歸

杜門不出任郵好施爲邦人矜式

陸密菴文集 卷 刊本

右 國朝僉事金壇陸求可撰

楊黃門奏疏二冊撫黔奏議八卷 刊本

右 國朝兵部左侍郎海寧楊雍正撰初知高安縣有聲制府薦于朝嘗因星變上言嘉納巡撫貴州安集新定苗疆有約束不明者輒上章劾秦軍中號楊一本今集中諸疏是也王暉稱其性樂閒適不近囂埃每讀莊子輒以為能移我情

南沙文集八卷 刊本

右 國朝福寧道僉事臨海洪若臯撰致仕歸嗜學至耄手不停披林居三十載日以鉛槧為事林雲銘序

安序堂文鈔三十卷 刊本

右 國朝祥符知縣遂安毛際可撰際可字會侯遷祥符後以博學宏詞薦既試罷歸閉戶著書文名馳四遠晚構問字亭以汲引後進林雲銘序

馮鈍吟集十五卷 刊本

右 國朝常熟馮班撰王士正云定遠博雅善持論著鈍吟集雜錄六卷論文多前人未發其詩以才調集為法朱彝尊云啟正詩人善言風懷者莫若金沙王次回定遠稍後出分鑣並驅次回以律勝定遠以絕句見長

青谿遺稿二十八卷 刊本

右 國朝工部侍郎孝感程正揆撰

道驛集四卷

右 國朝金華張祖年撰

雪菴詩存二卷 刊本

右 國朝嘉善丁嗣澂撰

寵壽堂詩集三十卷 刊本

右 國朝錢塘張競光撰有吳慶伯柴虎臣毛穉

黃諸人評

二曲集二十五卷 刊本

右 國朝整屋李顥撰字中孚隱居授徒講明理學顏元李塨其高第也學者稱二曲先生

尺五堂詩刪六卷 刊本

右 國朝吏部左侍郎歸安嚴我斯撰初家茗上

後築室武林之城東以著述為娛文章品行鬱然

為鄉邦之望魏裔介序

道貴堂稿十三集共三十卷 刊本

右 國朝禮部侍郎德清徐焯撰焯年十七以詩文受知會稽倪元璐遂執經于門復謁劉宗周自是以正學為依歸壽至八十九沈德潛稱其詩如

彈丸絕異郊寒島瘦之品

兼山堂集八卷 刊本

右 國朝編修鄞縣陳錫嘏撰錫嘏學于黃宗羲處身若冰雪而與之處輒平易近人為諸生窮日講授矻矻不休官詞臣公堂館課私室橫經率至鷄鳴而寢里居膺末疾而卒

耿巖文選二冊 刊本

右 國朝編修海寧沈珩撰珩授官後乞假歸許汝霖云珩淡于榮利素好古手不停披嘗輒一書日十三經名文鈔凡所屬綴蓄畚經訓無一切游

談不根語

敬業堂集五十卷 刊本

右 國朝編修海寧查慎行撰與弟德璉俱學于黃宗羲其詩專誦習蘓氏沈德潛云敬業會試出汪東山殿撰之門東山向日執後輩禮相見者也至是敬業居弟子列甚恭而東山仍事以前輩時論兩賢之

尋壑外言五卷 刊本

右 國朝嘉興李繩遠撰遠與弟良年符並以詩名時人稱為三李集有在琬陳恭尹二序

秋錦山房集二十二卷外集三卷 刊本

右 國朝徵士嘉興李良年撰良年以太學生應博學宏詞科放歸築秋錦山房坐臥其中遂于史學徐尚書健菴開史局于洞庭西山預分修之任朱彝尊云武曾九歲能屬文十歲解賦詩持格律甚嚴嘗抄撮詩中禁字一卷授學者于詞愛姜堯章吳君持諸家故所作特穎異

香草居集七卷 刊本

右 國朝嘉興李符撰沈季友云符字分虎善詩詞尤工駢體嘗遊滇遇碧溪山道士曰子前身廬

山行脚僧也後十年當歸廬山已巳之正月予泛艇過其家以行脚圖索題未幾聞其卒于途次

嵩菴詩鈔五卷 刊本

右 國朝侍郎天台馮甦撰甦母陳氏亦工詩所著名繡佛齋草

澄江集一冊 刊本

右 國朝江陰知縣錢塘陸次雲撰澄江江陰之別名也此集皆其作令時作

黃葉村莊詩集八卷續集二卷 刊本

右 國朝中書石門吳之振撰之振字孟舉勇于

爲善居鄉多義舉能詩工書宋代詩前此無選孟
舉刻宋詩鈔凡百家家各一卷沈德潛稱其詩亦
近宋人

黑蝶齋詩鈔四卷 刊本

右 國朝平湖沈岸登撰龔翔麟爲序別有詞一
卷見浙西六家詞集

蓮龕集十六卷 刊本

右 國朝翰林侍講臨川李來泰撰沈德潛云先
生文窮極雕鏤詩獨以平正通達行之能者固不
可測

健松齋集二十四卷 刊本

右 國朝編修遂安方象瑛撰象瑛九歲能詩十
歲作遠山淨賦癸亥典蜀試後請歸不復出苞苴
竿牘一不至于門遇有利弊則嶽嶽言之卒之日
闔邑思之

學文堂集十冊 刊本

右 國朝中書舍人武進陳玉璠撰沈德潛評其
集中落葉詩離形寫意便覺迢然

西河合集四百九十一卷 刊本

右 國朝檢討蕭山毛奇齡撰沈德潛云西河湛

深經學著述等身在 國朝可稱多文爲富者其
詩學規撫唐人而能自出新意不同于規孟賁之
目畫西施之貌者也

叢碧山房文集八卷雜著三卷詩集四十一卷 刊本

右 國朝建寧知府任邱龐塏撰其詩分翰苑稿
十四卷舍人稿六卷工部稿十一卷戶部稿十卷

前溪集四冊 刊本

右 國朝諸生武康唐靖撰武康邑治有前溪環
帶五十里樂府全溪曲名本此因取以名集康熙
辛酉邑宰青城韓逢休序而刻之

德星堂集十四卷附河工集一冊 刊本

右 國朝禮部尚書海寧許汝霖撰汝霖讀書根
柢六經旁及子史發爲文章詞醇理正未第時四
方生徒負笈從遊嘗督學江南考試事竣置酒君
山大會布席分題或詩或賦各展所長今傳爲盛
事

周廣菴集四十一卷 刊本

右 國朝左春坊左中允華亭周金然撰所著又
有娛暉東觀奚囊等集

愛日堂詩集二十八卷 刊本

右 國朝大學士海寧陳元龍撰

學古堂詩集六卷 刊本

右 國朝貢生平湖沈季友撰幼受知毛檢討奇齡嘗遊太學都下盛以才名推轂輯携李詩繫行

世

寒村集三十六卷 刊本

右 國朝高州知州慈谿鄭梁撰嘗學于黃宗羲寓意藝文宗羲亟稱其詩類江門定山文近震川復善畫既歸里旋得木疾右體不遂遂以左手驅染如平時跌宕文史人目為仙吏云

留窮草一冊 寫本

右 國朝諸生餘姚黃百藥撰宗羲長子弟百家為之序

幸跌草一卷 刊本

右 國朝監生餘姚黃百家撰 別有學箕初稿二稿三稿四稿

懷清堂集二十卷 刊本

右 國朝吏部侍郎仁和湯右曾撰沈德潛云浙中詩派前推竹垞後推西崖竹垞學博每能變化西崖才大每能恢張變化者較耐尋味也後有作者幾莫越兩家之外

詩用集二冊

刊本

右 國朝教諭海寧陳訐撰

拙齋集五卷

刊本

右 國朝海寧朱奇齡撰

陳恪勤集三十九卷

刊本

右 國朝總河湘潭陳鵬年撰兩為制府叅劾待

罪京江集中京江詩獨多嘗作詩有鷗盟字制府

奏其連結海寇必欲致之于死後明其無辜得免

于難

固哉叟詩鈔八卷

刊本

右 國朝績溪知縣嘉興高孝本撰孝本三歲時
指氣字曰此卽浩然之氣也長而研經酌史發為
古今文妙合軌範生平作詩甚富由登岱以迄遊
台蕩諸山凡十七集其詩以遊而進晚歲自訂此
集

湛園未定稿六卷

刊本

右 國朝編修慈谿姜宸英撰沈德潛云葦間根
柢經史以古文名年將老因大臣薦食七品俸與
修名史然仍艱于遇合也至入詞館時已七十餘
矣己卯典北闈試因正主考李殿撰累及下獄旋

。殞其生天下共悲歎之

春酒堂文集二冊詩集二冊 寫本

右 國朝鄞縣周容撰容性訖弛不羈御史徐殿臣一見賞契由是知名殿臣避迹天童海寇掠之而去容即倉皇奔赴以身質之殿臣得返而容代受刑牯足爲之跛乘間竊歸乃縱橫于詩古文詞尤工書法領鋒鏘于渾樸中時謂容之詩勝于文書勝于詩

東浦草堂文集十六卷後集二卷詩集二卷 寫本

右 國朝侍講南匯顧成天撰

雙雲堂文稿六卷詩稿六卷 刊本

右 國朝知府鄞縣范光陽撰嘗受業于黃宗羲在詞館有名出爲太守著有良績

寒玉居集二卷碎金集二卷 刊本

右 國朝閩南仲撰

觀樹堂詩集十五卷 刊本

右 國朝澤州知府錢塘朱樟撰吳城云先生南歸卜居清波門暇輒偕二三故老杖策兩堤香林竹戶遊屐殆遍人謂之地行仙年八十終叱馭問絹古廳白舫諸集蜀中詩也郎潛集官水部詩也

一半勾留集居憂杭州詩也剡溪集遊天台詩也
各香亭集官澤州詩也總名曰觀樹堂詩集合刻
畏壘山人詩集四卷 刊本

右 國朝編修長洲徐昂發撰昂發本崑山人沈
德潛稱其文酒自豪常傾四座所著五古出自杜
陵近體得力樊南而能自出面目同時談藝名士
無與儷者

江冷閣文集四卷續集二卷 刊本

右 國朝丹徒冷士帽撰

滋蘭堂詩集十卷 刊本

右 國朝文昌知縣仁和沈元滄撰元滄字麟洲
康熙乙酉丁酉兩中副榜以修書議叙官知縣沈
德潛云家麟洲以諸生入武英殿纂修與諸詞臣
齒真異數也

青要集十二卷 刊本

右 國朝光祿寺卿河南新安呂謙恒撰謙恒明
太傅維祺之孫也嘗讀書邑之青要山因以名集
沈德潛云光祿詩與難兄元素並名司農以古朴
勝光祿以烹鍊勝

陸堂文集二十卷詩集二十三卷 本

右 國朝檢討平湖陸奎勳撰沈德潛云陸堂穿
穴五經皆有述作今人中井大春也詩獨風流名
麗廣平賦梅花不礙心似鐵洵然

樊榭山房集十卷續集十卷 刊本

右 國朝舉人厲鶚撰鶚先世家鄞鄞四明有樊
榭山因以自號沈德潛云樊榭學問淹博尤熟精
兩宋典實人無敢難者而詩亦清高五言在劉春
虛常建之間

墨麟詩十二卷 刊本

右 國朝川東道海鹽馬維翰撰沈德潛稱其意

不肯庸語不肯弱莽莽蒼蒼縱筆揮霍雖未神采
已梯峭險

秋塋文鈔十二卷詩鈔四卷 刊本

右 國朝度吉士會稽魯曾煜撰曾煜文鈔行世
有二本常安葉士寬序詩名三州者杭州汴州廣
州也杭汴皆主講習廣有纂修通志之役

後圃編年稿十六卷 刊本

右 國朝盱眙李嶠端撰嶠端字蒼存萬斯同爲
序所著一名焚餘稿王士正云蒼存詩文從橫有
奇氣江淮間才士今讀其集工麗之作居多

秋水齋詩集十五卷

刊本

右 國朝編修烏程張映斗撰齊名南稱其才高學瞻德器渾然無涯涘其爲詩也出入漢魏六朝唐宋不名一格而各有以見其長

青嶼稿存四冊

寫本

右 國朝烏程張安絃撰絃號青嶼集中送燕詩云節屆秋分社事忙送君前路入蒼茫年年不作無家別半在他鄉半故鄉安絃授徒以老其自傷無家亦可悲矣

桑穀甫文集三十卷詩集十四卷續集二十卷五岳

集二十卷

刊本

右 國朝工部主事錢塘桑調元撰自序云予年十四五及予山先生之門尋爲朋儕牽率倣作詩古文詞年少氣盛伸紙輒千言少愛山水登眺適興時時發爲歌詩諸草稿委敝篋中門人輩私相

抄錄付諸剞劂

強恕齋文鈔五卷

刊本

右 國朝秀水張庚撰庚自號彌伽居士自序別有詩鈔四卷

集虛齋學古文十二卷

刊本

右 國朝淳安方粲如撰別有詩三卷名緣情詩
畧此集皆其所作古文

璫東雜著一卷 寫本

右 國朝通江知縣金壇王汝驥撰汝驥字雲衢
沈德潛云雲衢文制義宗工中歲爲詩不落宋元
氣習古體尤工外人不知其詩以文名掩也

暮莊詩鈔四冊 刊本

右 國朝按察使遼東劉廷璣撰

古愚心言八冊 刊本

右 國朝工科給事中莆田彭鵬撰

孤石山房詩集六卷 刊本

右 國朝貢生仁和沈心撰元滄次子與兄廷榘
弟廷芳並能世其學

隱拙齋集三十卷 刊本

右 國朝山東按察使仁和沈廷芳撰弱冠從學
查慎行慎行以氣靜卜其有成沈德潛序其詩大
要典而能清真而不膚骨幹森立無雉竄文囿之
誚

餐秀集二卷 刊本

右 國朝縣丞餘姚黃千人撰百家子少有 刊本

· 所弛不遇晚官泰安以詩酒自娛人目為吏云
觀光集五卷 寫本

右 國朝教諭嘉善蔡以封撰

禮山園文集八卷 刊本

右 國朝舉人襄城李采章撰

瓦缶集十二卷 刊本

右 國朝舉人嘉興李宗渭撰

明史雜咏四卷 刊本

右 國朝知州烏程嚴遂成撰

匏息齋前集二十四卷 刊本

右 國朝教授烏程凌樹屏撰樹屏博覽工詩古

文辭若人多師事之

吾友于齋詩鈔八卷 刊本

右 國朝嘉定張錫爵撰

實癩齋集四卷 寫本

右 國朝嘉興知縣張時泰撰

庸言二十卷 刊本

右 國朝侍講學士廬陵張貞生撰

咸齋文鈔七卷 刊本

右 國朝海寧查祥撰

產鶴亭詩四冊 刊本

右 國朝貢生嘉善曹廷棟撰自初集至七集俱
手自編定

謙齋詩稿二卷 刊本

右 國朝貢生嘉善曹庭樞撰兄庭棟爲之選刻
飲和堂詩集十三卷文集八卷 刊本

右 國朝知縣山陰姚夔撰

陽山草堂集十卷 刊本

右 國朝長洲陳炳撰


冰齋文集四卷 刊本

右 國朝貢生秀水懷應聘撰
東坪詩集八卷 刊本

右 國朝貢生平湖胡慶豫撰

綠杉野屋集四卷 刊本

右 國朝德清徐以泰撰



浙江採集遺書總錄

五

浙江採集遺書總錄癸集下終

